

罪  
惟  
錄

罪惟錄帝紀卷之二

惠宗帝紀

惠宗讓皇帝名允炆懿文皇太子子太子妃常氏生二子  
 雄英相繼薨而呂氏以次妃生帝頭顱頗偏太祖拊之曰  
 半邊月兒幼聰明慈愷性至孝好讀書侍晏命題援筆奏  
 太祖顧懿文父子仁柔獨詣奉先殿卜不吉且喜私曰  
 不患無所托愁多一番事洪武二十五年四月皇太子薨  
 帝年十有六笑哀毀幾不欲生太祖慰之曰毀  
 也請終三年喪禮臣拘天子以月代年例不許  
 例於外而已終三年之間語不揚聲笑不露齒斷葷茹

不御內。友愛諸弟。與同寢食。太祖聞之喜。是年九月立為皇太孫。明年冊馬氏為太孫妃。重定諸王見東宮禮。時中外萬幾。例送東宮裁決。太孫輒濟以寬大。請改減律例七十三條。太祖曰。吾當亂世用重典。汝際澄平宜輕之。後導此行。太祖晚激怒。誅戮不測。太孫往陳說古事。亦頗為霽容。偶戮囚得弑父者釋之。太祖不悅。親訊之。則庸醫誤投劑。子坐不知醫也。復平反一盜首。係主人之子。出視。庄。庄佃皆盜。誘以他事。並出。不果盜。太祖問何以知之。對曰。周禮色聰為先。尚書惟貌有稽。臣見其視端。故測之耳。太祖曰。吁。決獄者不可以不讀書。太祖不豫。太孫侍疾。事必

躬親。雖褻至唾壺溺器不敢借。夜分達旦。咳無不應。應無不起。率以婉容愉色承之。以是太祖病中譴責頗多。卒以太孫故多所全宥。及崩。太孫披髮哭踊。哀動左右。勅有司喪儀悉遵周禮。於是倣金縢遺制。前朝後殿左右角門及西宮內。寢。凡設座如生存。久不御者。爇香湯沐之。凡十一所。陳祖訓於東直殿。設重器於西直殿。京官四品以上朝服執鉞立於諸陛之上。自是六日晝不進勺水。夜不就枕。簞太孫體。故豐腴。至是骨立矣。

夏閏五月之十有七日。卒。外皇太孫即皇帝位。是日葬高皇帝於孝陵。後遺詔諸王母會葬。還御殿大赦。以明年為

建文元年。詔行三年喪禮。有司執例以請。一再不許。卒復  
諭曰。朕非敢效古人諒陰不言也。郊社宗廟。朕將執縛而  
從事。朝貢訟獄。固敢弗親。但朝則麻冕。衣退則齊衰杖。經  
食則饘粥。即何不可。不然。食稻衣錦爾等。果以為安乎。廷  
臣敬諾。定儀注以進。六月。上皇祖考大行皇帝尊諡廟號  
太祖。皇祖妣孝慈昭憲至仁文德承天順聖高皇后。追尊  
懿文皇太子為興宗。孝康皇帝。懿敬皇太子妃常氏為孝  
康皇后。尊母呂氏為皇太后。冊馬氏為皇后。子文奎為皇  
太子。封弟兄燾為吳王。允燧為衛王。允燮為徐王。江都郡主為  
公主。儀賓耿濟為駙馬都尉。立孝陵衛。詔舉賢才。定保薦

連坐法革冗員初省州縣大賚以中書舍人蹇義為吏部  
右侍郎戶部主事夏原吉為本部右侍郎命兵部尚書齊  
泰太常寺卿黃子澄燕翰林學士參預國事燕王棣先諸  
王入臨援遺詔勒歸諸王滋不悅

秋七月詔漢中府學教授方孝孺為翰林博士尋陞侍講  
直文淵閣奉太祖初命也以王紳為國子博士紳以書責  
吏部侍郎蹇義浮沉不事事以朝天女戶張鳳等

係西宮  
殉葬宮

人之十二人為錦衣衛世千百戶有差時有告周王橐與  
燕相代岷四府通謀帝召子澄泰密議泰欲先燕子澄曰  
燕強先周去燕同母媿乃命曹國公景隆即訊責貸甚王

楠不能應遂坐王反執之及其世子削楠為庶人陸平江  
知縣王彥回知徽州府召韓宜可為副都御史八月百夷  
叛總兵徐凱討平之賜太學生高等衣鈔歸省以王叔英  
為翰林學士雲南左右布政使張統陳迪為吏禮二部尚  
書徵處士楊士奇充編纂授齊府審理副時燕王選練士  
馬用勾索逃軍為名潛招致異人術士隨以僧道衍知識  
教屬為軍師密語今朝廷人心所往即奈何道衍曰天之  
所造人無能為也增國子監司業以學錄張智為之九月  
雲南總兵西平侯沐春卒以弟晟代之增置陝西兆州茶  
馬司

冬十月、四川岳池教諭程濟通術數、密奏燕兵起、不過明年、詔坐妄言罪、濟曰、幸囚臣侍之下、濟獄上躬祭孝陵、魏曹二國公分攝兩陵、十一月、詔舉山林才德之士、前御史解縉奉諭歸學、期十年擢用、至是先期赴、以非詔旨、謫河州衛吏、帝以積勞視朝稍宴、御史尹昌隆切諫、帝為引過、時燕齊二王屢有變告、黃子澄以燕謀彰、露討之、不可不亟、帝以齊泰計、出工部侍郎張曷為北平左布政使、謝貴、張信都指揮使、託防邊患、調燕府護衛、成開平、且詞燕動、定時有道士歌於途、莫逐燕、莫逐燕、日高飛、高飛上、帝畿已而忽不見、代王桂貪虐、將為不靖、方孝孺請全詣



四川就教於蜀王陞叅政王銳為戶部尚書起鄭賜為工部尚書魏國公輝祖女弟為燕王妃而心在帝室加太子太傅與李景隆同掌五府軍事圖燕出燕長史康汝楫為安岳知縣十二月改天地壇為南郊祠釋黥軍及徒人還鄉起劉有年徒中知太平府副都御史韓宜可請待諸蕃當從寬大密防範勿遽誅討賜明年天下田租之半以壽州訓導劉亨言全方孝孺等大改官制陞六部尚書正一品增侍中一員位尚書下侍郎上翰林院增文學博士餘載志中

建文元年己卯春正月癸酉朔謁奉先殿朝皇太后親詣

孝陵上香還御殿受朝不作樂戊寅誓戒百官齋宿文華殿庚辰郊奉高皇帝配行脫鷩禮孝孺進郊祀頌勅脩高皇帝實錄以禮部尚書董倫翰林學士王景彰為總裁官太常少卿廖昇翰林侍講高遜志翰林侍詔方孝孺副之國子博士王紳等六人為纂脩官漢中府學教授吳子昭副楊士奇訓導羅愜馬龍他即二月詔京省開科鄉試燕甸長官司吏目程本立預修遣長史葛誠奏事京師觀變召問之以實對遂受密命還燕申令親王不得節制文武吏士詔養老力田興學考察官吏旌孝賑貧掩骸埋骨減田租民鬻子者官贖還之以周府紀善周是修為衡府紀善留史局三月幸太學祀先

師罷北平右布政使曾昱副史張璉謫典史陞暴清叅議  
北平詞燕事燕王宴清等及三司官使袁珙子忠徹侍酒  
觀在宴氣色云清等皆不令終燕志益廣旋召清還燕王  
來朝抗不如禮有詔不問戶部侍郎卓敬密奏請徙燕封  
於南昌以絕禍本不報燕王還國北平僉事湯宗上變告  
逮按察使陳瑛安置廣西召謫戎樓璉為翰林侍書詔布  
按二司官考察屬吏擢神策衛周濟為左僉都御史博士  
黃彥清出見小兒讓棗又道拾遺紗者留識而去以聞謂  
上德化所致帝曰昨宮人譚朕自引薄德譚止朕不能治  
宮中卿言何敢當帝用秦子澄計命都督宋忠調沿邊各

衛馬步官軍三萬屯開平。燕護衛精壯悉聽調選。隸忠麾  
下。胡騎指揮關童等向在燕府者悉召入京師。以都督徐  
凱練兵於臨清。都督耿懃練兵山海。而張曷謙貴伺肘腋。  
約期發。都御史暴昭等二十四人奉命充採訪使。巡行天  
下。問民疾苦。賞廉平。黜貪墨。得便宜行事。昭採燕事密聞。  
請曲防之。京師地震。詔求直言。御史大夫尹昌隆抗言。奸  
臣專政。陰盛陽微。致召天變。今宜罷兵息戰。召燕入朝。彼  
欲申大義於天下。不應便爾違戾。設有蹉跌。不失守藩。設  
沉吟不斷。禍至無日。雖求為丹徒布衣。豈可得哉。黜知福  
寧縣。帝久曰。求直言而以直棄之。予復其官。

夏四月，相王有異謀，潛兵討之。王自殺。齊府人曾名溪者，上變告廢齊王，擣為庶人，與周王同禁西內。幽代王、桂岷王梗於其國，並廢為庶人。五月，燕使其世子郡王高煦、高燧至京師，祭太祖小祥，示不疑。齊泰請收之。徐輝祖亦曰：高煦勇悍，他日寧惟叛君行叛父，留之便。黃子澄不可。輝祖弟增壽力保無他。上遣之。燕王見其子高煦，乃大喜。以戴德彛為左拾遺，宋徵為宗人府經歷，王叔英為翰林院修撰。六月，謀燕急，燕王詭稱病，長史葛誠伴讀。余逢辰密告布政使曷及都指揮貴，王無病勿誤。燕山衛百戶倪諒上變告，收官旗于諒，周鐸誅之。下詔讓燕，遣中貴逮燕府。

官屬密勅都指揮張信手致燕王信。故輸款於燕。貴知之。方集兵圖王。柵端禮門不得出入。昂乃約護衛指揮盧振為內應。飛策奏聞。而為所親吏李友直竊以聞。燕益迫。秋七月四日壬申。燕兵起。與僧道衍定謀。呼護衛指揮張玉朱能等。伏兵殿西廡。偽縛所逮有名官屬。示中貴。令召昂貴。即燕府投之。昂貴不疑。遽入。伏起。遇害。王等乘夜挺八百人。攻九門。克其八。惟西直門後下。伴讀余逢辰。文學杜奇。嘗諫不聽。護衛指揮盧振不肯從。龍及長史葛誠咸被執。不屈死。按察使副使墨麟。指揮同知李濟。陳恭。咸稽首稱萬歲。指揮彭貳。猝呼兵得十人。將入攻。而遇府中健

卒出戰不勝死。都指揮馬宣巷戰敗績。走薊州。北平都指揮俞瑱奔居庸關。時都督宋忠以開平師次居庸。遇瑱令瑱守關。而身退保懷來。燕乃自署官屬。以丘福朱能張玉等為都指揮。僉事擢布政司吏友直為右叅議。戍卒金忠為紀善。以下筮從軍中。誓師。托言周公輔成王故事。但稱元年削建文二字。上書請誅齊泰黃子澄。名清君側。遂攻薊州。馬宣敗績。與鎮撫魯濟俱被執。死。薊州陷。通州指揮房勝。遵化指揮蔣玉。密雲指揮鄭亨。各叛。以城降。燕居庸關不守。瑱走懷來。懷來陷。忠與瑱俱被執。死。時都督同知陳賡來援。戰敗。退保大同。後亦被執。不屈死。而都指揮孫

秦彭聚死。尤烈。燕師攻永平。指揮趙彝郭亮叛。以城降。大  
寧總兵劉貞都督陳亨。指揮卜萬朱鑑等。引兵十萬。出松  
亭。攻遵化。亨墮燕間。執萬下獄。以聞。時江北蝗。有司請督  
捕。帝曰。朕以不德致蝗。又殺蝗。以重朕過。其直陳。闕失。赦  
疑獄。捐逋租。周窮乏。以備實政。是歲蝗不為灾。有秋。八月。  
以長興侯耿炳文為征虜大將軍。駙馬都尉李堅都督寧  
忠為左右副將軍。同安陸侯吳傑。江陰侯吳高。都督都指  
揮盛庸。潘忠。楊松。顧成。徐凱。陳暉。平安。等帥師三十萬。分  
道北征。釋程濟以編修叅軍事。帝日坐便殿。召學士輩。討  
論周官法度。勤九廟。算俱付泰子澄。主之祭。告天地。誠北



征將士曰。昔蕭絳舉兵入京。而令其下曰。入門之內。自極  
兵威。不仁之至。今爾將士。與燕王對壘。務體此意。毋使朕  
負殺叔父名。書諭諸王。削燕屬籍。置平燕布政使於真定。  
以刑部尚書暴昭掌司事。贈翰林侍制王禕。為翰林學士。  
謚文節。文臣有謚。自禕始。大將軍師次真定。分遣徐凱駐  
河間。潘忠屯鄭州。楊松為先鋒。率銳師九千抵雄縣。約忠  
為殿。燕王乘不備。夜渡白溝河。疾攻。九千皆戰歿。城陷。唐  
之。而預遣譚淵設伏。月漾橋。劫忠援。忠與松俱被執。死。併  
陷鄭州。時大軍營潯沱河南。北燕萌我叛。將張保詐稱被  
縛。脫說炳文。雄鄭破降。燕師疾至。請移河南師。併力北禦。

燕王乘陣動，疾擊破東南壘。炳文與戰，大敗，閉城以拒。副  
將軍灤城侯李堅、審忠及都督顧成、河北指揮劉燧皆被  
執。成降燕。安陸侯傑以兵來援，潰去。是役也，斬折幾五萬。  
潞水莫算，馬甲皆重，盡失。燕師圍真定，遷引去。廷議魏國  
公輝祖代炳文北征，尋以燕內戚召還。御史韓郁上書請  
加恩親親，不報。九月，詔曹國公李景隆為大將軍，將兵五  
十萬代炳文還。炳文老將善戰，至是敗。帝始有憂色。子澄  
薦李景隆文武才尚書陳迪奏炳文奸邪不可用。工部侍郎  
練子寧復以為言，不聽。於是衛府紀善周是情與靖江  
府長史蕭用道咸上書指斥用事大臣誤國當事者，怒詔

之是脩議不奪。谷王穗道還京。其長史劉璟獻十六策。不  
報。台遼寧二王還。遼王植泛海至寧。王權不至。削其護衛。  
江陰侯吳高及都指揮耿璫、楊文帥遼兵圍永平。而大將  
軍景隆師次河間。山東叅政鐵鉉以督餉仍贊軍務。燕王  
曰：「九江鑿子耳。不知兵。吳高怯。易與。吾故北援。永平使景  
隆兵逼。堅城在前。勝師還擊。南師必敗。誠世子堅守北平。  
勿與戰。」

冬十月，吳高聞燕師至，退保山海關。燕諸將請還師南禦。  
燕王曰：「大寧精銳盡壁松亭。吾故間道從劉家口疾掩大  
寧無備。撓吾計者，斬。於是大寧果陷。寧府長史石撰不屈。」

支解之。總兵貞與都司亨自松亭還。援亨與陳寬半道。叛襲貞降燕。都指揮朱鑑與卜萬成死之。燕王駐師城下。單騎入城。晤寧王。執手大慟。自陳窮促。懇為革表陳謝。遂巡潛結其所部。并諸降胡為用。乃謝去。寧王祖送郊外。伏卒劫寧王以行。大寧城空。時景隆聞燕王留大寧。全師壓城下。築壘九門。攻燒順城門。燕府儀賓李讓與燕將梁鉉等拒守。力夜選壯士。縋城斫營。南軍退屯十里。都督瞿能獨與其二子率精騎十餘突入。張掖門銳甚。景隆忌能成功。兵不繼。燕師夜汲水灌城。明日水堅不可上。燕王以大寧諸軍及兀良哈三衛胡騎始立五軍。趣援北平。十一月景

隆逆燕師於孤山，敗績再戰，復大敗，潰奔德州。北平圍解，燕王再上書陳情，帝名削齊、秦、黃子澄官，仍密預謀議，傳諭天下。著燕藩逆跡。十二月，省躬殿成，徙吳高於廣西，以楊文鎮遼東，誅岷府典膳李英。燕兵出紫荆關，攻大同，計勞我師，守將楊宗叛，以廣昌降。於是靈丘、蔚皆下。景隆疾援大同，南軍凍多僵死。河北指揮張倫等結盟報國，以南兵歸。景隆既敗，原薦子澄，曲為隱護，猶以權不尊，復加太子太師，賜璽書金幣。上特遣子寧、吏部左侍郎，詔募謀勇士，以楊本為錦衣衛鎮撫，周拱元為所鎮撫。秦贊大將軍軍務，原斷事高巍自請使燕，稱國朝處士。臣巍上書燕國。

大玉書中陳禮義曉禍福甚悉燕王不省駙馬都尉王寧  
謀叛幽於其家詔全家在伍者分別遣歸軍士死後存籍  
一人者放為民陸夏原吉戶部侍郎復以如常為兵部尚  
書起前越舊侯俞通淵為指揮使北征徙肅王樞於蘭州  
初封其州者以錢芹為行軍斷事茅大方為副都御史葉砥為  
編脩禮部左侍郎陳性善言事且曰陛下為法自戾上為  
引過賜絹以旌其直壽州訓導劉亨上言請文武並用國  
子祭酒師表四海不宜出太僕下武臣子弟宜立學教之  
上喜擢武進丞

建文二年庚辰春正月勅朝覲官員免賀燕攻蔚州守將

王忠李遠叛以城降二月許江浙人得官戶部命均江浙  
 賦役以黃觀為禮部侍郎燕嵩寶司事楊砥出叅議湖廣  
 上書親親無自剪枝葉忤旨安置遼東以劉儻為兵部侍  
 中韃靼可汗坤帖木兒瓦剌王猛哥帖木兒歸款北平景  
 隆遣燕王書請息兵燕不報以解縉為文淵閣待詔保定  
 知府雄僉叛降燕三月以禮部尚書陳迪右侍郎黃觀等  
 知貢舉策進士賜胡靖等及第出身有差靖初名廣策有  
 親藩陸梁等語稱旨上為更名靖永樂中復原名廣武臣犯法失  
 職者皆奔燕燕復原官再賜景隆璽書斧鉞以前賜沉於江故增  
 置諸藩寶輔各一員

夏四月、燕師闖白溝河、景隆壁德州、協胡觀郭英、吳傑等  
聯營六十餘萬、逆拒、都督先鋒平安、伏兵邀擊、初勝、敗、互  
已而燕師屢却、會都指揮何清被執、安收兵還、夜戰、燕王  
從三騎殿後、迷失道、下馬伏地、視河流、辭東西倉猝渡河  
去、明日復戰、我師破燕後軍、叛將房寬狼狽走、燕高煦率  
精騎來援、都指揮瞿能崩盪斬燕百餘騎、諸軍乘之、叫噪  
入、殺傷甚衆、燕三易馬、三被創、短兵撞擊、幾為能所及、燕  
王佯揮鞭、招隄上人、能疑不進、燕大將徐忠、兩指、斫、未殊、  
自折擲之、復戰、會旋風折旗、陣亂、瞿能與俞通淵勝聚、加  
戰、死、燕兵縱火燔諸營、郭英、吳傑、西潰、景隆南潰、殺溺死



者餘三十萬人。五月，督餉叅政鐵鉉、叅軍高巍自臨邑還濟南。景隆引敗兵來奔，燕兵入德州，轉掠濟陽。儒學教諭王省克之進攻濟南，景隆戰敗，都督朱榮棄師遁，伏誅。燕圍城急，鉉、魏及統兵盛庸悉力防禦。燕射書城中脅降濟陽學生高賢寧，作周公輔成王論答之。燕復隄水灌城，鉉詐令軍民乞降，開門入。燕王懸板及燕王馬首已礮城，城欲碎。鉉令書高皇帝神牌懸堞上，燕師不敢擊。六月，置資德院，改官屬。

秋七月，都督平安師次單家橋，欲遮燕糧道，不果。遣尚寶司丞李得成使講，燕無所報，下得成獄，旋釋之。八月，燕師

困濟寧。歷三月不下。僧道衍語燕王師老矣。解去。平安追戰之。韓山斬其將陳亨。亨即劫松亭。叛降燕者也。遂復德州。盛庸守之。朝廷頗以燕事易辦。不為意。承天門災。詔求直言。改謹身殿為正心殿。置大學士一員。陞方孝儒為文學博士。江北蝗。帝脩省。是歲有年。九月。重建承天門。改曰臯門。午門曰端門。端門曰應門。前門曰路門。徵洪武廢棄武臣子孫錄用之。

冬十月。更定監生選用法。城滄州。燕兵襲破之。都督徐凱被執。清遠衛卒羅義上書言事。下獄。賞濟南功。封盛庸歷城侯。充平燕將軍。總兵。代景隆。鐵鉉。陞左布政司。尋陞兵

部尚書召景隆還侍郎子寧力請誅之以謝天下不果十  
二月燕師至汶上庸移營東昌會戰大破之斬其大將張  
玉燕師敗還北平始悟僧道衍但費兩日之語頗驗庸飛  
檄令吳傑平安追燕師敗還詔舉優通文學之士以處士  
唐禹士為侍讀鄒瑾為大理寺右丞

建文三年辛巳春正月凝命神寶成先是帝夢上帝賜重  
寶已得青玉於雪山製璽其文曰天命明德表正萬方精  
一執中宇宙永昌大祀天地於南郊享太廟告東昌之捷  
復太子澄官工部尚書嚴正直督餉山東三月燕師復出  
次濔沱河以左補闕胡闔為大理少卿三月盛庸自單家

橋戰燕兵於北河斬其大將譚淵及指揮董真保等再戰風沙大起庸敗績走德州都指揮莊得及楚智皂旗張等加戰死之真定諸將平安吳傑等擬共搗北平會庸敗不果率師駐單家橋與燕師會戰頗捷擒其將薛祿祿尋逸去閏三月安復戰藁城縱射燕王幾及之會大風捲安軍敗績安等走還真定燕師次大名

夏四月禮制書成頒行天下復謫太子澄官諭燕罷兵五月燕使武勝上書請召還德定諸師帝覽書嘆曰信然王與朕為叔父何心用兵為也召方孝孺諭意行還師孝孺曰陛下即欲罷戰倘燕師犯關何以禦之遂下勝獄令大

理師薛嵩報之。嵩語燕王王旦釋甲而募旋師。王笑曰：孤  
愚不入燕。左右欲殺嵩。嵩戰伏地得護歸。刑部侍郎王良  
問燕國叛人罪。未減。出爲浙江蕭政按察使。六月，觀海衛  
指揮張壽飲中，偶及國事危急，坐妖言論死。燕師掠濟寧  
及沛，大焚運艘。都督袁宇帥師還擊，敗績。

秋七月，燕師掠彰德。都督趙清禦却之。王使人召清，清謝  
曰：殿下有京師，出片紙呼清，清不敢不至。今爲朝廷守封  
疆，豈廢職。王悅，清言緩攻。平安進兵至平村，爲燕將劉江  
所敗。方孝孺察陳燕世子與郡王不睦，請以書亂之。遂遣  
千戶張安遺書世子，郡王果疑。令內監黃儼報世子，及世

子不啓函、上書王、王出書、愕曰、幾殺吾子、限僧道田人五  
畝、非奉朝命、不許私簪剃、年未五十者、不許為尼、及女官、  
八月、老嫗入貢、放還、不識字、人才及年未壯者、九月、燕師  
攻定州、諸將花英等、援房昭水西寨、戰敗、我崑山下、英被  
執、始走定州、陷燕師、退、

冬十月、徙慶王於寧夏、倭寇浙東、十一月、韃靼通燕、寇鐵  
嶺、遼東、總兵楊文攻永平、不克、指揮王雄等七十一人、皆  
被執、平安敗燕師於楊村、皇次子文圭生、燕王曰、皇兄既  
謚懿文、而帝諱允、故皇子復以文行、又係建文年號、文復  
吾知其不能武也、命兵部右侍郎徐瑄、招集兩浙義勇、駙

馬都尉梅殷鎮守淮安。十二月，燕師出北平南下，時燕用兵三年矣，所得地止北平及永平保定三府，有中官叛附燕者，請直搗金陵。燕王從之，詔以徐真馬溥為左右都督，率偏師北進，遷龔泰為禮科給事中，改程本立為江西副使，詔內官出使，侵凌吏民者，有司械送京，更定六科品級，及更定倉庫點陟之制。

建文四年壬午春正月，始置京衛武學，德州裨將葛進渡河，遇燕兵，戰敗，副總兵平安攻通州，不克，兵敗，衡水命魏國公輝祖出援山東，燕師破東阿及東平，指揮唐璟被執，吏目鄭華死之，詔寧國公主遺書燕，勸退兵，不省，連破汶

上、都指揮薛鵬被執、攻沛、指揮王顯叛、以城降、知縣顏瓌  
及主簿唐子清、典史黃謙死之、更定尚書以下勲階、三月、  
燕兵自徐州進攻宿州、破蕭縣、知縣鄭恕死之、平安戰、燕  
兵於肥河斬其將王真、決日力戰、安敗走、鐵鉉援兵至、復  
勝、再敗、宿州不守、

夏四月、平安戰、燕兵於小河敗之、斬燕將陳文、燕兵却、安  
操、長、梨、遂、燕王及之、忽馬蹶不得前、番將王麟疾援王去、  
先是燕王夢戰敗、一豐貌美髯、乘白馬西來、大呼救駕、魏  
問其姓名、曰莘城隍神也、至是麒麟貌與所乘馬頗同、  
國公輝祖協都督何福戰、燕齊眉山、一再捷、斬其千戶李  
斌、弟十餘人、斌號敢、虜死、燕軍懼、請退屯小河之東、就



變觀變。朱能鄭亨力言渡河非計。燕王下令曰：欲渡河者左。諸將皆趨左。當是時，王不解甲數日矣。會京師相傳燕兵敗去，乃召輝祖內護，何福孤無援，而燕師進，時平安營靈壁就餉。燕遣萬人遮餉道，安以六萬人護餉，與戰，喪燕師千人。燕王麾步軍橫貫安陣，陣分為二。何福出壁援安，復殺燕數千，走之。而燕高煦伏起，燕兵還戰，福敗，被圍。下令旦日圍三，號突圍出，就食淮河，而燕師先三號攻營。急福軍，誤謂已號，競趨營門，不得出，驚福不及更號，軍亂，營破，兵潰，墮塹死滿。安與監軍及諸將咸被執。福單騎脫，指棹末瑄戰死。燕王縱禮部侍郎陳性善、大理卿彭與民，欽

天監副劉伯完、指揮王資等南還。性善朝服，躍河死。自是南兵益衰。識者有金陵之憂矣。土蕃寇陷保寧府。五月，總兵楊文奉詔以遼兵十萬南協。鐵鉉濟南贅燕師後，遇燕將宋貴直沽一戰，全師潰。燕師下泗州、壽州。守將徐景初、劉溪叛降。大將軍盛庸戰淮南，敗績。虜昭陷。守淮主事樊士信死之。諸將分屯鳳陽、淮安。淮安知府徐安方勤備禦，而燕師已踰鳳陽。歷天長，攻揚州。守將崇剛、御史王彬死之。江都知縣張本初欲死城，母曰：「天命也。」遂與千戶徐政指揮王禮叛，以城降。詔下勤王。中外臣民聞詔，無不悲號者。分遣禮部侍郎黃觀、國子祭酒張顛宗、翰林簡撰、王叔

英徵兵各郡、復、口、齊、泰、黃、子、澄、原、官、蘓、州、知、府、姚、善、寧、波、知、府、王、璉、率、師、勤、王、慶、成、公、主、詣、燕、師、請、割、地、王、曰、行、將、與、諸、弟、妹、相、見、毋、多、言、備、撰、王、良、仰、藥、死、刑、部、尚、書、侯、太、轉、餉、淮、安、勤、王、師、徽、州、知、府、陳、彥、回、樂、平、知、縣、張、彥、方、等、咸、不、及、死、之、原、任、永、清、典、史、周、縉、亦、起、勤、王、衆、潰、去、六、月、燕、師、至、浦、口、大、將、軍、庸、逆、擊、敗、之、燕、王、嚴、庸、軍、且、議、和、高、煦、以、胡、騎、至、王、按、劍、起、撫、煦、背、曰、勉、之、煦、殊、死、戰、會、都、督、僉、事、陳、璫、率、舟、師、援、庸、璫、叛、降、燕、而、兵、部、侍、郎、陳、植、督、師、江、上、所、部、都、督、金、甲、欲、叛、植、以、大、義、責、之、遂、為、所、殺、率、衆、降、燕、燕、王、遂、麾、兵、渡、江、庸、率、海、艘、出、高、資、港、嚴、陣、以、待、王

奮先登大戰。庸敗走鎮江。守將童俊叛降燕。齊泰黃子澄奉密旨出奔。燕師至龍潭。帝遣李景隆如常。王佐等詣燕請平。景隆伏地稱臣。述天命。推戴極恭。已復令諸王往講。燕王曰：「不得奸臣不已。」帝乃會群臣慟哭。或請駕幸南浙。圖後舉。或請暫避湖湘。議不決。孝孺獨奏堅守京城以待。四方之援分遣諸王守門。魏國公輝祖、開國公昇分門出禦。衆潰。仍齎蠟書四出。卒為燕騎所遮。露乙丑。燕王抵金川門。上書皇太后定國公主。不荅。李景隆及谷玉德開門迎。入門。卒龔詡慟哭去之。御史連楹佯伏伺門。猝空拳冒燕王及馬首。衛卒碎去。就戮。首落有白氣冲天。屍僵立移。

時連同官董鏞坐死。燕王與谷王周王並轡入帝手。誅都督徐增壽於左順門。先是金川未啓，增壽潛欲迎燕，監察御史魏冕十八人即殿前殿之，殺死。會輟朝，冕及大理寺丞鄒瑾當陞大呼請速加誅。臣等不能與此賊俱生矣。不聽。至是帝大恨，手劍誅之，并欲誅景隆，不及。大內火，帝與皇后馬氏暴崩。為六月之十有三日也。或云帝薙髮出亡。燕王清宮三日，宮人指所焚死，以應。遽出屍煨燼中。王俯而哭之曰：釋無知至此乎！用學士王景彰議，發喪。臣天子禮葬之。宮人遭戮畧盡，惟得罪帝者獲存。時安王楹、兵部尚書茹常首率羣臣蒲伏王前，勸進迎附。知名者為吏部侍郎

郎蹇義、戶部右侍郎夏原吉、兵部侍郎劉儻、古朴、刑部侍郎劉季篈、大理寺少卿薛嵩、翰林學士董倫、侍講王景彰、修撰胡靖、李貫、編修吳溥、楊榮、楊溥、侍書黃淮、尚善、待詔解縉、給事中金幼孜、胡濙、吏部郎中陳洽、兵部郎中方賓、禮部員外郎宋禮、國子助教王連、鄒緝、吳府審理副楊士奇、桐城知縣胡儼、後皆歷大位、為名臣、而御史葉希賢、郎中梁田玉等、四十餘人、絕城遁去、不問。北平州縣官朱寧等二百九十一人、初並解印綬去、亦不問。燕王列奸臣榜於朝門、左右、左凡二十五人、為黃子澄、齊泰、陳迪、練子寧、方孝孺、黃之、鄭賜、黃福、尹昌隆、張紘、毛泰、董鏞、盧迥、侯泰、暴昭、陳繼曾、鳳韶、王度、高翔、魏冕、宋徵、巨敬、右凡二十六人、為王

魁戴德、彝韓永、葛誠、王叔英、周是修、盧振、顏壞、張昂、卓敬、  
 鐵鉉、謝昇、葉泰、茅大方、陳孝回、鄭恕、宋忠、姚善、胡子昭、周  
 璿、葉惠仲、高巍、廖己而有續榜、甘霖、鄭公智、王璉、黃希范、  
 鏞、徐輝祖、失其一、而有續榜、劉璟、程通、王良、盧原質、韓  
 未、葉希賢、林嘉猷、蔡運、牛懸、賞格、縛猷者、爵有差、尋、鄭賜  
 景先等、仍以方孝孺為首、懸賞格、縛猷者、爵有差、尋、鄭賜  
 王鈗、尹昌、啓自愆、得免、并免、張統、景隆、復指黃福為奸、福  
 大言曰、臣誠萬死、但日以為奸、則非、並得免、初、方孝孺既逮  
 至、王勃草禪詔、孝孺衰杖、夾關下、大書數字、正王罪、且泣  
 且罵、詔必不可得、改命御史高翔、及右補闕胡閔、西人咸  
 喪服、入號、震殿廷、語不遜甚、與孝孺並族、誅究、竟禪草、相  
 傳、王遠善受命而作、或云實學士王景彰筆、又云繼命御  
 史樓璉、勉承草訖、歸見其妻、曰、得無愧、潛溪先生地

下乎。蓋璉為采瀛門下士，輒內愧，自經。百戶楊華者，執太常御黃子澄，以獻。子澄稱殿下如故，且曰：「殿下自念子孫効尤，即何以為訓？」蓋璉指高煦刺燕私，王為憬然。副都御史練子寧語極悖，王令斷其舌。曲引周公故事以塞。子寧挾舌血書地，成王安在。會孫泰逮，至四人並族誅。獨方黃二氏，革族十數，殺及萬人，最慘。王以工部侍郎卓敬常請內徙燕封，欲貸其死，敬請死。大言曰：「果如敬策，大王安得至此？」遂并坐。下魏國公徐輝祖於獄。呂駙馬都尉梅殷，至自淮安，不屈。密令人擣水死。違禮部侍中黃觀觀，投羅刺磯水死。凡大臣兵部尚書鐵鉉、禮部尚書陳迪、刑部尚書



暴昭戶部侍郎郭任威族誅而不列奸榜翰林修撰王良  
太常少卿廖升咸自殺獨御史景清委蛇隨班迎謁王疑  
之己密及行殿且叔駕事露碑死張其皮於市猶乘風為  
厲谷府長史劉環台至稱殿下不受官獄死其餘內外職  
官以至山林祇隸多殉義死者並有傳燕王浞國後或云  
使給事中胡濙名訪張儼偏實跡帝又遣太監鄭和跡海  
外諸國無有言帝至其國者乃己隨削帝號以年號并入  
洪武稱三十五年弘光初追尊惠宗讓皇帝入太廟復其  
年蓋遜國時皇太子文奎年七歲矣弟文圭方二歲咸廢  
庶人幽中都廣安宮帝弟吳王允熲衡王允燧徐王允熿

咸降封尋廢嬭熈為庶人入高墻而改封熈主懿文皇太子祀天順中英廟感南內事赦庶人及吳王衡王等出廣安給第宅薪米聽婚娶出入與侍從建庶人卒無子

論曰帝以仁柔海內欲不忘之遂有遜荒之說說歷久益增至史彬致身錄諸鑿之寔所疑如或親見之者觀吳文定仲彬墓誌全不及此一偽皆偽也且太宗亦正欲以不死慰天下之心當時寔錄具載出亡二字安帝隱也正統五年遂有僧自雲南至廣西稱建文天子事洩達京師會審供云俗姓名楊行祥然則所為楊應能者行祥所借也行祥以洪武十七年度為僧薄對確覓

獄本末燎然。又三楊皆故臣。此時尚在朝。

寧侯吳亮。既身隱。胡作詩。自露英廟。釋建庶人。有云。憫

茲遺孤。特加寬宥。讓皇而在。自宜倍加優典。胡絕不一

聞之。搃之行。祥。敢於冒引寔。本前疑。而寔錄不載。行。祥

事。曰。以成前為寔錄者之心也。又據天子禮葬。初必有

其履。易代以出。已二字荒忽之。豈帝出。已。皇后埋骨。坏

土亦遂不可問乎。存者其名。沒者其寔。必爾也。考出

已踪跡。見諸稗乘者。二十五六而止。而情事各異。安得以

各異者。畫為一定欵。至于胡淡鄭和之傳。益見附會。果。匿。王。何。高

審訪。以靖難。靈。天下誰曰不可。即何顧忘。而出此且也。子


寧。血。毒。成。王。安。在。何。不。云。彼。自。遜。荒。或。云。葬。西。山。子。封。  
不。樹。何。不。考。帝。禮。葬。原。處。与。皇。后。合。兆。為。恪。遵。太。宗。初。  
制。之。治。于。礼。



罪惟錄帝紀卷之三

太宗文皇帝

太宗體天弘道高明廣運聖武神功純仁至孝文皇帝嘉  
 靖中進廟號成祖改體字為啟字改廣字為肇字名棟  
 太祖第四子母孝慈皇后或曰碩妃妃生后子生時五色  
 光氣臨宮闕經夕不散性聰明英特讀書過目不忘貌奇  
 偉美髭髯洪武三年封燕都北平妃徐氏中山王達長女  
 十三年之國得督兵備鹵諸公侯悉聽節制料敵制勝洞  
 燭萬里威振朔漠二十一年副將軍藍玉降元納哈出歸  
 獻良馬王曰不先朝廷而私燕不受玉乃間入說太子曰



臣聞術者言燕地有天子氣。殿下宜審處之。太子言於市。頗忌王。每入朝。數以語見。侵王稱病。亟請歸。藩王常與晉王分道出禦。鹵。晉王懦不進。王抵迤都山。擄其太尉丞相等。全師以歸。晉王馳報太子。謂燕違異。勞師冒險。幸伺間語。太祖會提至。太祖錄燕功。太子曰。晉王雖未深入。然張聲勢。有犄角之助。二十五年。再出塞。四月。皇太子薨。秦晉二王皆有次及之望。而太祖以燕王神武類己。頗欲立之。學士劉三吾為正諫且止。二十七年。出勅捕野人女直。平之初。有詔諸王各與高僧一諷經。王得道衍。衍精術數。私語王大計。王心動。相人袁珙入燕。王與衛士九人似無意出。

疑。珙一見伏地。稱太平天子。王捫其舌。故逐之。而密令  
入宮。備咨議。私與道衍等。購致異人。拔勇健。及太祖崩。王  
年三十。有八矣。時秦晉二王已薨。而王以叔父行。最長。建  
文元年。入朝。行皇道。登陛不拜。御史曾鳳韶廷劾之。不問。  
時廷臣素憚王威名。又以燕地勢形偏。兵最强。易為變。乃  
簡強幹吏。有威望者。出彈壓之。且密命北平都指揮何燕  
間。自是四王見廢。相王自焚。廷議將以怯燕。而燕益迫。自  
為固。王遂托病以緩謀。盛暑。圍爐往往。佯狂出市。擢民飲  
食。語蹇亂。不經或卧。土壤僵暈。彌日。宮中掖而行。而朝廷  
指名。逮其官屬急。於是燕兵起。上書於朝。曰。奸臣齊泰黃



子澄等。包藏禍心。恣說奮毒。剪弱枝葉。不一年間。櫛擗  
桂梗五弟。並見削奪。雖或愆過。未聞不執。重或裁劑。護  
輕則揚。勅戒屬乃。竟沉錮流離。行路悽惻。柏尤可憫。蓋室  
自焚。而益罔証。加禍無辜。執臣奏事。人備極毒。分布要  
害。圍守臣府。臣大小凜凜。如臨湯火。伏覩祖訓有云。如朝  
無正人。內有奸惡。則親王訓兵待命。唯陛下思之。因論諸  
將曰。予太祖高皇帝之子。義不與奸邪並立。罪人既得。則  
法周公。以輔成王。無他。於是通州先降。下瀾州。狗遵化。密  
雲等縣。及居庸。永平。克懷。來時山後諸州。開平。龍門。上谷  
等。皆不守。南屠雄。敗大將軍。耿炳文。師於白溝河。入朔州。

復大勝滹沱河。攻真定走之。時朝廷再將李景隆代炳文。景隆遺書王。王答書弭兵。必自去權。奸始。王故北援永平。以誤景隆。遂入。阻北平。堅。王以永平勝師。捲大。寧不備。扶寧王歸。并降松亭之衆。始立五軍。張玉將中軍。朱能左軍。李彬右軍。徐忠房寬為前後軍。還擊景隆。景隆大敗。走保德州。上言奸臣枉臣不執者八。謂臣護衛踰額。祖訓執掌條有王府官軍不拘數目等語。謂臣不當無事操練軍馬。祖訓兵衛條有教練軍馬。遍數不拘等語。謂臣不當於各衛選官軍。祖訓軍職條有王府武官千百戶。從王於所部軍職選用。開奏等語。謂臣私養鞋鞞健卒。此皆

洪武中歸降、皇考命於護衛、歲給衣糧、備鹵、謂臣招致各  
處異人、術士、養於宮中、此無主名、謂臣不當僭擬皇城守  
禦之制、祖訓兵衛條、有王府守禦宿衛護衛均番等語、謂  
臣宮室僭侈、祖訓營繕條、有燕因故元之舊等語、謂臣第  
二子高煦過涿州、擅營驛官、此臣之失教、然非不軌之跡、  
明甚、後傳檄四方、著不得已用兵、且彰其克捷勝勢、以懼  
朝廷、遂北攻大同、敵景隆援師、南降保定、建文二年、攻真  
定、大戰白溝河、斬首擄三十餘萬、取德州、攻圍濟寧、解去、  
棄德州、別攻滄州、循河而南、戰東昌、不利、王易服、突重圍、  
還北平、三年、三月、僧道衍勸王出師、時盛庸壁德州、吳傑

平安守真定。王曰：此竹利野戰，毋攻城。諸將曰：我師出保，定彼腹背，交及即奈何？王曰：兵交成敗，呼吸耳。百步不相救，況距二百里，遠乎？突夾河小却，尋乘風大勝，蕭退保德州。王乃曰：安等嬰城固守，上策也。軍出即歸自保，中策也。求戰下策矣。乃飛語散軍，四出聚糧，令較尉偽作避難民，抱嬰兒入城言之。傑等誤乘王虛，王趨應，都指揮陸榮謂此日兵家所忌。王曰：顧小忌者，墮大謀。戰傑安葦城，復乘風大潰之。敗軍降燕者，悉遣南還。朝廷大懼，偽竄恭子澄於外，令有司簿錄其家，貽書請罷燕師，次大名。復上書引小杖則受，大杖則走之義，且云：竄逃奸黨，非出誠心。境上

之兵逼迫未已、是奸臣之身雖出、而奸臣之計得行、師不  
退、尋再上書、責朝廷失信、朝廷拘燕使武勝、獄王大怒、按  
劍起曰、吾單師徐沛、絕德州糧道、南師必靡、於是濟寧貯  
粟盡焚、沛漕運絕、四年、北師直向金陵、連破東阿、東平、攻  
汶上、還擊平安、敗之、破蕭、齊、魯諸戎堡、皆降、大戰小河、不  
利、戰高眉山、又不利、師欲退、王固不許、疾遮靈壁、餉道破  
壁、大勝、前阻泗河、佯欲渡、別遣驍騎濟上流、掩盛庸師後、  
庸軍散走、渡淮、克盱眙、間走揚州、降之、下儀真、已而舟師  
集方嶽、而鎮江守將章俊以城降、戰浦口、小却、敗庸軍高  
資港、金川門開、翰林編脩楊榮遮馬首、伏謁曰、謁陵乎、且

入廟。王曰：非師言，幾誤。遂先謁陵。於建文四年壬午六月  
十有七日己巳，燕王即位。徵語尚書茹常。朕毋得罪於天  
地。祖宗。常叩頭大言曰：陛下應天順人，克成先志，何罪  
上。悅。復周王橐齊王棹封爵，革除建文年號。以今年為洪  
武三十五年。其明年改元永樂。先後毒誅遜國諸臣。盡土  
申禮葬。讓皇帝遷興寧。孝康皇帝王於故園。革去廟號。仍  
稱懿文皇太子。行祭告禮。遷呂太后於皇太子墳園。其皇  
太子文奎、太子弟文圭稱建庶人。降封讓皇帝諸弟。吳王  
允熲為廣澤王。衡王允燈為懷恩王。尋廢為庶人。與建庶  
人並錮為陽。徐王允熾幼。降教惠王。隨母呂太后居墳園。

追封都督徐增壽為陽武侯謚忠烈後加封定國公陞功  
臣丘福朱能以下官祿改作奉先殿於奉天殿之西北增  
製皇帝親之寶及誥命之寶

秋七月朔祀南郊以高皇帝配大赦惟奸籍不宥召前北  
平按察使陳瑛為左副都御史以待詔解縉為中書舍人  
縉奉命檢建文中諸封事有干犯者悉焚之上顧脩撰李  
貫若寧有之貫伏謝無有上曰國家危急時何賴此無  
貫朕所恨導先皇帝壞祖法亂政耳食其祿棄乃職乎貫  
慚而退後坐累獄十年死享太廟及太社太稷命各司悉  
復洪武舊制且曰各散官沿習久有何緩急乃必竄改復

變色曰。凡國家有事。必策度數。世始行。俾得子孫世守。後世輕化之徒。以私智舞文。改易祖法。嗣王不明。以為能。故寵任之。卒至國散。民叛。可不深戒。乃解尚書張純。王鈍。職務給半俸。純懼自經。死。改湘王謚獻。擢揚士奇為編脩。楚王桓及諸藩王。以次來朝。八月。勅盛庸鎮江東。劉賢鎮廣東。何福鎮陝西。以即位諭朝鮮。及外。彛君長僧智光奉詔西域。解縉。黃淮。胡廣。楊榮。楊士奇。金幼孜。胡儼。並直文淵閣。在東閣門之內。時機務孔殷。每日退朝後。閣臣就展前。叅機密。漏下數十刻始退。寧王權請封杭州。不許。改國南昌。赦諸王之見廢者。岷王梗與西平沐晟。交惡。諭解之。



以戡鎮雲南廬陵縣民請劫都督韓觀撫平之觀鎮廣西  
 改靖江王府咨議為長史司其金篆一如親王九月論靖  
 難功封丘福淇國公朱能成國公張武而下侯二十人徐  
 祥而下伯十六人侯張武鄭亨大真顧成王聰陳珪紀善  
 理唐雲趙彛陳旭張輔徐王子譚忠徐淵子以上並世襲  
 房寬世襲指揮使房勝劉才世襲指揮使知李景隆如常  
 終其身李濬孫巖王佐陳瑄亦世襲指揮使駙  
 馬王寧永春侯世襲其餘將佐陞賞皆有差  
 揮張玉榮國公陳亨涇國公譚淵崇安侯王真金鄉侯徐  
 景昌係增壽子為定國公以僧道衍為左善世復其姓賜  
 名廣孝為太子少卿陞北平布政使郭資為戶部尚書保  
 定知府維翰為刑部尚書仍掌司府事左都御史陳瑛請

追戮死事黃觀王叔英廖昇等不許。北平及通州婦人乘  
障守者祭寶賞之。出山西清遠衛卒羅義於獄。以曾上書請毋兵燕  
故陸吏戶兵侍郎蹇義夏原吉劉儂各奉部尚書仍嚴震  
直工部尚書尋卒以黃福代之。長史金忠為工部侍郎擢  
右通政使李至剛為禮部尚書徙封谷王穗於長沙遼王  
植於荊州齊王搏復國青州。  
又十月勅重修高皇帝寔錄。成建文末募兵工部侍郎王  
顯宗江西左布政使楊璉按察使房安僉事呂升等於興  
州定功臣死罪減祿例詔從征將士所掠婦女悉還其家  
軍士張真上封事稱旨賜衣鈔改建周王橐府於洛陽十

一月、鹵一再犯開原遼東、皆破走之。詔求隱逸、以江西處士軒伯昂為山東左叅議、冊妃徐氏為皇后。十二月、嚴武臣冒襲之禁、以嘉定縣民周程請、令戶部尚書夏原吉濟滌吳松諸浦港、泄其壅道、水患息。

永樂元年癸未春正月乙卯朔、御殿受朝賀、命婦朝坤寧宮、群臣一再表請、立東宮、不久、撫北平流民復業者十三萬餘戶、定官俸米鈔、燕支例、禮部尚書李至剛、以月當食不食、請賀、上曰、陰而不見、安得自証。二月、祭歷代帝王、以北平為北京、順天府設行府、部、等衙門、官屬、其尚書郭資、雖僉俱改北京行部、平安為行都督僉事、以保定庶紀善

孟善鎮遼東左都督宋晟鎮耳肅設雲南五長官司及普  
安安撫司詔諭韃靼力赤可汗嚴誣告法補去年壬午  
應天等各省鄉試其北平諸郡以學校殘毀停候永樂三  
年設北平國子監迤北屢北境命郡王高煦往開平操練  
江陰侯吳高鎮大同武安侯郭英卒三月脩殷太師比干  
墓改北京行都司為大寧都司調營州五屯衛於保芝仍  
隸大寧都司以大寧弗兀良哈酬其協助之功河南牛疫  
詔所在百姓免補其鬻男女以償者官贖還之鈔法不行  
禁金銀交易代王桂縱暴賜書戒之尋削其三護衛岷王  
梗擅收諸司印激變夷人降王府官職事以守城功封駙

馬都尉素容廣平侯李讓富陽侯世指揮續封功臣李斌

豐城侯世襲陳懋懋係亨子王通係真子王友陳賢張興陳志皆

襲加皇考太祖尊謚聖神文武四字皇妣仍原謚諭中外

文武群臣曰諸臣除奸宄外皆皇考舊人朕推誠用之纖

悉無間無自懷疑不安

夏四月安南權國事胡沓請襲陳氏封爵下禮部肅察遣

行人楊渤詔諭之右副都御史王信以漏獄伏誅定衛官

府官平禮相見衛官有事不得下有司問理襄城伯李濬

鎮江西五月福建兵一再擊倭破之臧雜犯死罪以下各

一等定王府不得干有司事其事得旨而行分遣給事中

楊椿等十二人往海外諸國始遣內官祭中雷

秋七月命翰林官依韻纂輯古書賜名文獻大成賜迤北  
鬼力赤書八月復設浙福廣市舶提舉司平江伯陳瑄督  
海運米五十萬石至北京及遼東尋運米直沽歲為常簡  
富民實京師內官楊瑄等責勅撫諭麓川等處土官九月  
勅廷臣各舉所知高唐州民王政言事擢為給事中削歷  
城侯盛庸爵恭卒諸子皆被戮命侍臣更芝宗廟樂章各  
衛韃官置其合賜姓氏釋文移錯誤之罪西平侯沐晟請  
討土官刁暹荅上諭兵部兵一動則難安宜先之以誨諭  
尋刁暹荅果悔悟還所擄知州及威遠之地入貢謝

冬十月、焚匿名書、與北京屯田、西洋諸國來朝籍、長興侯耿炳文家炳文自殺、諸子皆死、十一月、賜寧王書、令捕府中小人、不法、赦免建文時、山後逃匿官民、選郡縣考滿官、六科辦事、俾直言民隱、韓觀勸柳州山寇、平之、書諭世子興督農功、閏十一月、封黎蒼為安南國王、李芳遠朝鮮國王、主事年倫奏、兩廣徭僮、須兼用土兵、合勦、從之、山東民獻陣圖、黜之、十二月、脩太昊陵、寢訪未、太祖移文、勅責遼東總兵紀善、令撫恤將士、綏來外曩、歲旌節、孝不以額許、諸人得、奏、利國利民之事。

永樂二年甲申春正月、下陪祀失儀、都督陳浚、獄、戶部侍

郎李文郁後至謫戍之道士獻方書不進雲南恭政張定  
坐變亂舊章謫驛夫台世子及郡王高煦入京二月永新  
賊平徐蘓抗絕戶田糧玩珠告哀遣使祭贖冊封三月策  
進士賜及第出身有差選二甲楊相等五十人及工書法  
湯流等十人為庶吉士三甲方昶等二十人為行人仍立  
進士題名碑於國子監許武臣薦士遼東都指揮何琪失  
修邊脩坐斬開遼東馬市改封讓皇幼弟允熾為甌寧王  
奉懿文皇太子世祀先是日本屢寇至是遣人脩貢擒獻  
犯邊賊二十餘人詔厚答之

夏四月甲戌冊世子熾為皇太子妃張氏為皇太子妃郡



王高煦為漢王高燧為趙王初上議建儲廷臣多言高煦  
扈從功惟文臣金忠解縉黃淮尹昌隆咸以為不可上意  
乃決東宮官屬以文武大臣兼之翰林科道部屬以下並  
得改預會文華寶鑑成授皇太子曰帝王之道在乎知要  
汝其勉之免順天永平保定三府効順民糧二十五萬石  
五月將詣孝陵以皇考忌不用法駕六月鴻臚少卿汪泰  
使朝鮮坐受饋誅汰添設官許進士歸學朝鮮進耕牛萬  
頭給遼東屯戍再錄下第貢士張鉉等六十人冠帶入太  
學讀書封哈密阿克帖木兒為忠順王

秋七月命翰林官分撰諸經講義送內閣閱定進呈始赴

東官進講。迨北可汗鬼力赤與瓦剌相攻。進士張文禮自  
陳雲南籍。不嫻吏事。即命為本省學官。李景隆及弟增枝  
一。再被劾。以本爵歸第。沒入庄田。佃僕。山東野蚕成繭。禮  
部請表賀。不許。鄱陽儒士朱友季獻所著書。專駁濂洛關  
閩之說。上曰。此儒賊也。焚其書。罪之。八月。占城國告安南  
擅侵其境。勅諭之。安南舊臣裴伯耆告難。云黎季犛篡殺  
其主。故王遺孫陳天平。因老過護入朝。上憐之。命御史李  
琦行人王樞往諭安南。令其實以聞。招荔波縣洞徃編籍。  
行戶口食鹽之法。解縉等進大學正心章講義。上曰。人主  
於車馬宮室。服食玩好。無所增加。則天下無事矣。九月。周

王構來朝，獻駒虞，群臣表賀。於是四方奏甘露、嘉禾及外國諸奇獸甚夥，獲神龜於募府山，以胡儼為祭酒，學士王達、侍皇太子進講，高規、太子悅、從山西民萬戶實北京，勅諭寧夏都督何福，使於諸屯，中擇水草便每築一城，有警驅牛羊聚畜於中，清其野以待援兵，則寇不能飽去。於屯法最便。暹羅通好琉球，失風入閩，詔善護遣之。廣東糧運中道沒，督糧官權以官糧濟軍，被劾。上曰：活運軍以便運，待報無為矣。不問。

冬十月，蒲城等三縣黃河清。御史言：甘肅總兵宋晟專制，上曰：大將軍受邊寄，豈能盡拘文法。諭晟勿疑，製符信金。

牌給雲南諸彝停御馬監白象穀食十一月御門錄囚於  
宥有差且曰囚久於獄則無往而不求辯初至朕前則畏  
威而不敢言理官當更留意江浦知縣周益有罪妻梅氏  
以益母老請代死并釋之介休縣民請開採五色石應用  
黜之十二月黃巖縣賊董養民等伏誅陞宋禮為工部尚  
書分女直地建都司衛所復以郿縣歲貢寔國學  
永樂三年乙酉春正月選一甲曾榮等三人及庶吉士等  
二十五人以應二十八宿入文淵閣讀書時庶吉士周忱  
自陳年少亦願就學詔增忱學士解縉領其事帝或親至  
閣中或召便殿驗其所學時以為榮二月北京刑部尚書

誰僉以怨誅焚貨都給事中馬楨以欺罔指揮李宏以鹵  
攔入未平咸伏誅三月安克帖木兒死遣人致祭以其從  
子脫心襲封斬僭倭失機指揮龐義喬英

夏四月工部尚書黃福改北京刑部除各處絕戶田租徵  
儒士馬巨江以年老授博士遣歸五月諭諸王謹守憲度  
六月朝鮮請樂器與之文官三犯杖者如律正罪安南偽  
請罪求陳天平以兵納之寧夏總兵何福以屯田積穀最  
多勅獎之

秋七月授藝黎峒首王賢佐官詔諭生黎陝西獻瑞麥勿  
賀賜韃韃首長把都帖木兒姓名官爵居涼州叅官軍三

之一塞外偵邏、獎宋晟招徠之功、海外諸國朝貢、皆至命  
市舶司、設館禮之。八月、下禮部尚書李至剛於獄、戶部尚  
書郁新卒。九月、以呂震為刑部尚書。

冬十月、封日本及滿刺加鎮國之山、親為文勒石、封許成  
求新伯、進信安伯張輔為新城侯、封右都督宋晟為西寧  
侯、子琬尚安成公主、瑛尚咸寧公主。十一月、周齊二王以  
戒諭、悔過、謝罪、開雲南銀冶、兵部尚書茹常以不送趙王  
罪、逮獄、削為民、庶吉士章朴家藏方孝孺文集、序班楊善  
借觀、密以聞、伏朴法。

永樂四年丙戌春正月、命李彬、張輔、捕平南陽叛民、琉球

進關人却之忠順王脫<sub>七</sub>為其祖母所逐旋遣人謝恩守國如初二月趙王高燧居守北京擢荔波縣賈敬信為本縣知縣專撫徭民復設開平衛諸戍充之三月釋奠先師服皮弁行四拜禮殿試後改進士江殷等十三人為庶吉士翰林院備書其餘賜勅還鄉讀書復置曲先衛安南伏兵劫殺陳天平大理御薛崑死也

夏四月陞沅州為府乃平知府事永寧州為府各吉八合能知府事茹常歸途失朝谷玉復下獄御史車舒以急職戍邊五月定雲南各宣慰司三年一貢大古刺土首悔罪來貢六月己未朔日食陰雲不見群臣請表賀不許詔各

安撫司首領官皆定為吏目。謫北京尚書黃福侍郎張思恭為辦事官。尋復職。以瑞變獻宗廟。

秋七月、征安南。以成國公朱能、佩征彝將軍印、新城侯張輔、充右副將軍、西平侯沐晟、佩征彝副將軍印、充左副將軍、共二十五將軍、分道入。上嘗論易、謂內君子外小人六字、人主用之、功效不淺。以太白晝見、命欽天監纂陰陽星命等書、閏七月、建北京宮殿、大脩城垣。八月、賑濟車等郡縣、蝗、濟王構去悖、縱恣、廢為庶人。九月、設陝西、甘肅、北京、遼東、四苑馬寺、從三品。西番諸國朝貢、召侍郎李友直、成、所、復其官。廣濟縣妖僧伏誅、免廣西歲辦白鉛、斬誣告人。



罪情錄  
十四  
誹謗者、并申匿名文書之禁、戶部人才高文雅、言時政、首  
舉建文中事、語率直。都御史陳瑛指任妄、宜置法。上曰、草  
野不知忌諱。顧言有可擇。豈以其直而廢之。

冬十月、征彞將軍能率於龍州、詔以張輔代總其兵。先是  
上察天象、惻然曰、西南有憂、朱、征彞其不免乎。計聞上震  
悼、輟朝五日、親為文祭之。追封給謚、回、結思牙進玉腕  
却之。十一月己巳、甘露降孝陵、松柏醴泉出、神樂觀井中  
取獻宗廟、分賜群臣受賀。平江伯陳瑄督海運還、值倭寇  
沙門象山、率衆焚其舟、盡、倭無還者。十二月、安福縣叛人  
朱務良等伏誅。大將軍輔救安南二十罪、進兵克多邦城。

西都賊聞之亦焚宮室庫通入海於是三江路寧江姚  
江等州縣次第詣軍門降追黎季犛父子於富良江小舫  
逸去除廣西絕戶田二萬餘頃尚師哈主麻至京入見宴  
賚殊禮仍賜儀仗視親王子靈谷寺建大醮資高帝后冥  
福時瑞應慶雲天花甘露甘露舍利祥光玄鳥白鶴素象  
青獅連日畢集檜栢金花梵唄空舉金偈羅漢  
化現雲表莊嚴  
妙相幡蓋旋繞種心不絕群臣表賀并獻歌頌自是上潛  
心釋典作佛曲使宮中歌舞之亦遍徵天下道士修舉金  
錄齋醮車駕幸齋壇七日而畢甌寧王府火發王允憮驚  
仆地暴薨時年一十有六賜祭謚哀簡懿文皇太子竟無  
後兀良哈飢以馬易米厚酬之

永樂五年丁亥春正月改吳中工部尚書官孝子張信尚  
寶司丞建五臺山佛殿浮屠據祖制年非四十以上不許  
削度以違制千八百人編運籍戍極邊賜都指揮朵兒只  
姓名曰馬惟良鉄柱曰柴克恭二月漢王高煦以易儲不  
果恨學士解縉譖黜廣西叅議中允尹昌隆亦改禮部主  
事三月封哈立麻為萬竹具足十分最勝圓覺妙智慧善  
普應佑國衍教如來大寶法王西天大善自在佛領天下  
釋教其徒素羅等皆為大國師並賜印誥宴之華蓋殿守  
衛官有於皇城下誦經者諭止之駙馬都尉胡觀坐克李  
景隆下獄尚書宋禮奏大木自行山神所致詔賜名神木

山遣郎中王羽致祭為建祠立碑選國子生肄翰林院習  
字禮部郎中戚存心坐洩漏機密及召之戚燭避匿伏誅  
改上林署為上林監以中官相兼任用設四彝館

夏四月平陽王濟熺來朝矯不脩嫡庶長幼之序却之皇  
長孫膳基出閣就學諭太子少師姚廣孝及諸講讀學以  
經綸天下為大母脩章句工文詞為也增置各省僉事官  
屯糧五月開平衛卒蔣文運言事允行之獲安南黎季犛  
父子伏罪時陳氏無後郡縣其地以初告難裴伯耆為左  
叅政尚書福兼掌布按兩司事都督呂毅掌都指揮司事  
張輔合廣西韓觀討柳州叛寇平之治北平祀典壇宇及

祭器樂器。上嘗遣內監李進採天花。山西、緝悔而罷之。進仍矯旨為民害。差二御史即訊寘重典。徵交趾人才九千人。得明經其潤祖等十一人。為諒江等府同知。上親製詩以送之。餘給衣襪。赴京聽用。廣西大旱。

秋七月、甘肅總兵西定侯宋晟卒。兵部侍郎墨麟常以非罪收一糧長、別之、死、及病見所、別者、號、數日、足、六、腐、盡、遂死。乙卯、皇后徐氏崩。洪熙初、謚仁孝慈懿、誠明莊獻配天齊聖文皇后。魏國公徐輝祖卒。子欽襲。乞守墓上。怒。請居鳳陽。八月丙申、設海運都漕運使。都督高士文討廣源餘寇。戰死。程瑒等領兵。繼至。擊平之。九月、太監鄭和還自西洋。

械獻海賊陳祖義伏誅張輔奉命勾交趾工匠七千七百人  
至京諭刑部尚書呂震允發戍者從南北風土所宜增設  
北京苑馬二十四

冬十一月令內閣儒臣考滿勿外任十二月頒高皇故鐵  
榜戒飭武臣戶科都給事中胡濙搜訪張三丰不得還廣  
東布政使徐本入覲載嶺南藤篔遺廷臣單日露事不測  
以揚士奇言已之撒馬兒罕同哈哩遣人送傅安郭驥還  
朝

永樂六年戊子春正月以皇后喪免朝賀朝鮮世子李禔  
來朝遣使諭迤北本雅失里削岷王梗護衛罷其長史等

官遣太監王安使迤西謀鹵肅王摸有罪賜書責之福建  
 蘓揚奏相檜生花為瑞上曰近蘓松諸郡水洩為災而不  
 以聞乃及花檜與嚴旨詔內外諸色人等擅自為僧者并  
 其父兄發五臺山輸作畢就北京種田

夏四月楚王植遣內使雲南犯法與勅責之始命雲南開  
 科五月設遼東自在安樂二州六月吏部左侍郎許思溫  
 有罪獄死禮部尚書鄭賜卒以劉觀代之成勳平播州叛  
 蠻

秋七月論平交趾功進張輔英國公沐晟黔國公清遠伯  
 王友進侯都督僉事柳升為安遠伯戰死都督僉事高士

文建平伯皆止、襲叢城侯李彬、雲陽侯陳旭、各增祿五百石、餘文武陞賞有差、諸司事務奉皇太子處分者、稱令旨、沐晟仍鎮雲南、謚朝鮮故王李旦曰康獻、八月、交趾賊簡定作亂、勅討之、皇諸弟以次就國、唐即伊魯安審建文天祥祠、淳泥國王麻那惹加那率妃及弟妹男女來朝、宴賜儀仗甚設、尋卒京師、賜葬祭、謚恭順、子襲爵遣還、封其山、御製文勒石、於是西洋諸國古俚等、蘇門答刺、榜葛刺、呂宋、合毛里、又碟里、打回、日羅夏治、忽魯母恩、古俚、班奉、其抱里、齊里、于闐各遣使朝貢、九月、出李至剛于獄、降儀制司郎中、太監鄭和復領兵航海、通西南異、冬十一月、命諸大臣輔皇長孫、決囚三百餘、釋二十餘人、



十二月、謚日本故王源道義恭獻、緣海捕倭、黔國公晟戰賊、簡定於生厥江、敗績、都督呂毅尚書劉儻、恭政劉昱等死、之事聞、復命英國公輔為大將軍、清遠戾友副之、出討簡定、詔禮部尚書劉觀、刑部尚書呂震、換任、罷溫處二府、銀鉛坑、治六、十、處

永樂七年己丑春正月、元宵節、賜假十日、張燈、弛夜禁、正北京舊宮室名號、二月、冊張氏為貴妃、權氏為賢妃、任氏為順妃、車駕巡北京、皇太子監國、除文武遷拜、四彝朝貢、邊境調發、上請行在餘、皆啟監國處、分平江、伯陳瑄主餉、運、尚書夏原吉、學士胡廣、廢子楊榮、金幼孜、龐行、黃淮、楊

士奇輔太子居守。仍命涼州都督吳允誠、甘肅都督何福、寧夏總兵寧陽伯陳懋、出塞哨鹵。起致仕劉彥才等九十人分署各府州縣。設在京二十五門及水門、城門、節各一員。忠誠伯茹常卒於獄。駕歷鳳陽祭皇陵。親負土加封。諸大臣畢從。御史何晟陪祀。行御道狎坐死。遣官祭祖陵。諸王墳并祭靈壁、東昌、夾河、棠城、白溝、真定、灞上。諸陣亡將士。贊善王汝玉坐修禮書失禮。當戍。監國赦之。降典籍。尋復官。監國策貢士。得陳燧等九十五人。送太學讀書。候駕回廷。試駕次濟寧。魯王肇輝來朝。次東平。問平安。尚無恙。于時安為行都督。食事懼自經。三月。駕至北京大齋。

夏四月、賜書皇太子優容群臣。勿任好惡。潁州饑、西淮巡視虞謙等請賑。監國曰：彼待哺嗷。啟請已後。汲黯何人。何不便宜行之。海賊阮瑤寇歙州。擊敗之。以趙王高燧後廡。歲止給米三百石。鈔十錠。以指揮康旺為奴。吳干、郝指揮同知。置邊城調軍。勛合閏四月。設北京寶鈔提舉司。時簡用大臣。率多親擢。禮部尚書趙取傳奉聖旨。行在兵部侍郎方賓。著陞本部尚書。即日到任。請臣從遊。萬壽山。擬營山陵。定昌平縣之黃土。封天壽山。都督柳升。數倭于青州海中。會淇國公立福為征鹵大將軍。率武成侯王聰同安侯火真靖安侯王忠安平侯李遠十萬騎。出塞擊鹵。本

雅失里上案授方畧以行五月呼北京諸父老騰溫諭安  
邑縣官不惜民饑擇教諭白威代之封瓦剌酋馬哈木為  
順寧王太平為賢義王把禿白羅為安樂王御史袁剛軍  
珩坐陷死主事李貞等監國下之獄二人卒伏誅六月郭  
驥為鹵所殺御史方恆匿父喪執送行在簡御史二十八  
人赴北京聽用出自吏員者四人改為序班

秋七月監國擢副榜第一孔鶚為中允妖賊金剛奴伏誅  
八月交趾守將徐政戰死設北平五城兵馬指揮使大將  
軍福及李遠王驄火真王忠等敗沒于臚胸河以福建方  
略追削其官徙家屬于嶺南遠與驄許其子襲職上遂決

策親征安南師擊賊黨鄧景異大敗之追賊至清化再敗  
之尋獲賊首簡定檻京師伏誅而陳季擴及章異遁又安  
未獲九月井肅總兵何福受降韃靼脫不花玉把禿玉  
賽因帖木兒國公等并所部三萬餘人封福寧侯  
冬十月上大選各衛及王府兵七萬四十隨征典尚書夏  
原吉議餉每出塞行十日築一城貯之監國與贊善王汝  
玉論詩楊士奇曰殿下欲娛意文字則西漢詔令可觀詩  
無並人不足尚也十一月皇太子攝南郊十二月率陽伯  
陳懋敗酋進為侯西域火州哈烈兩國入貢三東廠刺事  
內官一人主之舉通書吏時松江沈夢萱典試吏部題撫

四、彛榜、交、卷、獨、後、例、見、點、尚、書、讀、其、首、句、引、詩、普、天、之、下、  
四、語、遽、曰、是、安、可、點、也、以、優、等、授、新、城、知、縣、

永樂八年庚寅春正月大將軍輔敗賊餘黨阮師旋於東  
潮州有旨召輔還丁未車駕蒞北京皇長孫留守以親征  
詔告天下師次清水源地近鹽海人馬渴甚忽營西北二  
里許耳泉出賜名神應泉上登凌霄奉絕頂望漠北頓胡  
廣曰此危從諸臣不聞我一策奈何廣曰以成算在矣無  
須上曰古賴葛荒何況君臣朕未嘗專任一己掩備策即  
以此意諭諸扈從廣伏謝

夏四月次奇石坡銘立馬奉之石次長清厓夜南望北斗

次瀾灣海、水周千餘里、五月、至幹、難、河、元、太、祖、始、興、之、地、也、本、雅、火、里、率、衆、拒、戰、麾、前、鋒、敗、之、教、棄、鎧、重、牲、畜、遁、去、六月、班、師、至、靜、崗、鎮、阿、魯、台、復、來、攻、我、精、騎、貫、酋、陣、酋、大、敗、以、其、家、屬、六、遁、去、時、暑、甚、軍、中、饑、渴、遂、收、兵、還、次、擒、胡、山、銘、其、石、又、勒、清、流、泉、之、銘、時、三、軍、之、食、分、御、膳、給、之、許、軍、中、以、有、餘、分、貸、至、京、倍、償、中、官、進、膳、日、晏、不、舉、曰、軍、士、未、食、朕、不、敢、先、飽、次、開、平、宴、勞、諸、軍、曰、朕、墓、外、常、素、食、非、之、向、也、念、士、卒、艱、難、食、不、甘、故、寧、已、之、

秋七月、車駕至北京、周王構作殿祀高皇帝、賜書諭以支子不祭之禮、八月、寧海侯何福坐從征違節制、被劾懼自

經。長沙妖人作亂。監國命豐城侯李彬討之。

冬十月上還京師。以江西按察副使顧佐有威望。擢應天府尹。

永樂九年辛卯春正月。復命英國公輔總兵。會黔國公晟。勦交趾叛寇。赦交趾軍民罪犯。停征稅課三年。勅戒秦王。以王奉詔不親迎。見使倨。囚械其長史。紀善典儀等官。入京治罪。而諭王以學。督罕提吉兒女直野人頭目馬吉你等來朝。授督罕河衛令。馬吉你為指揮使。上諭胡廣。朕北征。寔懲宋歲幣。損小費。以弭重患。不得不爾。爾等其知之。二月。命工部尚書宋禮等。發山東丁夫。開濬會通河。故元。



運道及黃河故道三月補殿試左都御史陳瑛素擊彈駁  
溺濫至是坐誣陷職官方命廢事下獄死  
夏四月琉球中山王忠紹縱使臣坤宜堪弥等來貢禮之  
六月太監鄭和在西洋錫蘭國王亞烈苦奈兒謀劫和舟  
和出不意間道攻破之擄苦奈兒以歸上曰蠻彘何足責  
更冊其族屬之賢者耶已乃耶為王而縱苦奈兒歸國時  
廣西叅議解縉再改交趾入奏事會上親征謁監國去趙  
王高燧譖縉不敬縉借罪臣王禰便道娛廣東山水上書  
請鑿章江通南北上以語不當時大怒與禰並收獄  
秋七月滿剌加王拜思遂蕪刺率其妻子及陪臣入朝賑

臨城縣饑黃巖民告其里豪持建文時包彛古所進楚王書稿與衆聚觀內有干犯語上曰此必有他怨而借持之其毀之弗問兵科給事中倪峻奏官兵子戶發兵擅捕賊上曰此其職也庸坐視愈乎

冬十月詔重脩太祖寔錄以前監脩李景隆如常心術不正非信史故十一月大將軍輔追捕賊爰子江大破之擒陳季擴等送京師伏法十二月阿魯台款請以女直土蕃諸部屬其約束廷臣請許之獨黃淮以為爾分別易制不可帝是之鑄永樂通寶鈔

永樂十年壬辰春正月徙山東無田民佃兗州東昌定陶

等處蠲沒三年。三月、選韃官教民畜馬。  
秋七月、殺浙江按察使周新。時錦衣衛指揮紀綱有寵、嘗  
使千戶往濶緝事、作威納賄、新推治之、忤綱、奏新專擅、逮  
棄市。上尋悔之、瓦刺順寧王馬哈木、以兵攻奔雅失里之  
部。  
冬十月、築寶山於嘉定之青浦、為海運表識。命皇太子濱  
武方山。十一月、鎮撫陳恭上言、侍衛宜屏外裔、無近上頓  
不然、尚書呂震請罪恭妄言。上曰、恭心足錄也。言路不可  
塞。卿為大臣、持此言不忠。震謝。老的罕叛、議用兵。儒臣揚  
榮言不宜罷中國、以務無益。尋果來降。

永樂十一年癸巳春正月以日食免朝賀翰林庶吉士錢  
習禮與練子寧故姻婭為鄉人所持上曰使子寧而在朕  
固當刑之況習禮乎即日下令弛齊黃奸黨之禁巡北京  
皇太子監國太孫從弟韋素布政使及思州等府

夏五月之五日常遊東苑觀擊毬射柳聽文武群臣四奏

朝使及耆老縱觀時皇太孫射柳連發皆中上喜命屬對

帝曰萬方玉帛風雲會皇太孫曰一統山河日月明宴盡歡山東曹縣獲駒虞以獻

尚書呂震固請受賀上曰震可為不學無術者矣必不納

冬十一月以野蚕絲食命皇太子奉薦太廟故所封瓦刺

馬哈木太平把禿李羅三酋叛始置貴州布政使及思州思南等府

永樂十二年甲午春正月、帝御門所服、粟衣垢敝、納袖而復出、侍臣稱聖德節儉、上曰、朕故不之衣、念皇妣嘗葺故衣、宮中、皇考見而喜曰、如此勤儉、正可為子孫法、朕守先訓、不敢忘也、三月、親征瓦剌、皇太孫從行、謂侍臣胡璠等曰、朕長孫、聰明英睿、知勇過人、今令侍行、俾知用兵之法、且躬歷行陣、悉將士勞苦、

夏六月、師至撒里哈兒地、馬哈木及太平把禿孛羅等率師逆拒、一戰敗之、追至土刺河、復敗之、殺其酋長十餘人、擒斬無算、鹵乘夜北遁、遂班師、八月、駕還北京、九月、帝入漢王高瓖諸、以皇太子迎駕、遲緩、且書奏失辭、命逮尚書

蹇義、學士黃淮、諭德楊士奇、洗馬楊溥、及司經局正字金  
問等、半道省義、并省士奇、復職、淮等下獄、榜葛刺國獻麒麟

冬十月、江陰侯吳高有罪、削爵為民、十一月、晉王濟熿有  
罪、廢為庶人

永樂十三年乙未春正月、前交趾參議解縉死於獄、徙其  
家於邊、縉嘗止交趾、勿征且請、勿過暹、漢王生其覲、親用  
是不稱旨、後卒如縉言、始策貢士於北京、三月、殿試後、再  
試下第者得二十四人、並賜冠帶、給教諭俸、送國子監進  
學、以待後科、罷海漕、造船從河運

夏四月、兵部尚書、燕詹事金忠、卒。忠以下起家、為袁珙、微時所知、後薦上、立皇太子。有口舌功。五月、開清江浦河道、嚴告奸之禁。六月、有納銀於水、以覬刑部主事劉寧者、寧妻發之、以聞、詔、覈其廉、賚銀幣。

秋九月、進封武義伯王通為成山侯。

冬十月、吏部員外郎陳誠、偕中使李達、使西域、還、誠等歷凡十餘國、三易寒暑、所至宣布威德、諸國因遣使隨誠詣闕謝、誠仍錄其山川風物、俗尚言語、為西域行程記、上之。十一月、麻林國進麒麟、勿賀瓦刺馬哈木、遣使貢馬、謝罪、操練中外步騎、赴北京閱視。

永樂十四年丙申春三月、改趙王高燧國彰德、漢王高煦  
國青州、煦不之國、顧常侍左右、帝手勅曰、前封雲南、憚遠  
不行、與爾青州、今又托故、如果誠心、欲左右我、去年在此、何  
故、又欲南還、言非實意、不可更辭、尚書呂震、贊行禮部郎  
中周訥封禪之議、上曰、朕每聞水旱疾疫、未嘗不惕然於  
心、豈敢自謂太平、其勿許、學士胡廣作却封禪頌、以獻  
夏四月、詔英國公輔還京師、輔鎮交趾、經營前後九十年  
秋九月、始令御史巡監、以太僕寺卿楊砥議、頌養馬、遂為  
北方民害、

冬十一月、帝還南京、會議遷都北京、周王橈、楚王楨、來朝、



例祭孝陵、東宮及皇太孫諸皇孫陪行、上手書位次行禮、十二月故吳王允燭卒、高墻鳳陽

末樂十五年丁酉春二月、谷玉、德、坐、謀、逆、廢、為、庶、人、後、自、焚、死、三月、漢王有罪、居之、山東樂安州、上巡北京、皇太子監國、

秋七月、西洋、蕪、祿、國、東、王、西、王、峒、王、各、率、其、妻、子、頭、目、來、朝、九月、備、孔、子、廟、親、為、文、碑、之、

冬十一月、建、北、京、奉、天、殿、乾、清、宮、越、六、日、己、未、督、工、秦、寧、侯、陳、珪、右、都、督、薛、祿、連、奏、宮、殿、現、五、色、瑞、光、卿、雲、遙、射、禮、部、率、羣、臣、上、表、稱、賀、

永樂十六年戊戌春正月交趾土官巡檢黎利反自稱平定王、豐城侯李彬遣都督朱廣討之、利敗走、初令民運漕糧、太子少師姚廣孝卒、追封榮國公、謚恭靖。

夏五月、太祖實錄成、皇太子監國時、有陳千戶擅取民財、事覺、請交趾、已念其軍功、宥之、或為高煦譖太子、初上所譖罪人、皇太子宥之矣、上不察、逮陳千戶、殺之、以贖善柔、潛司訓周冕、預聞不諫、正并坐、死、文淵閣大學士胡廣卒、贈禮部尚書、謚文穆、六月、禮部左侍郎胡濙奉命巡浙、江、盜伺東宮得失、臨發、上微曰、奏字須大、晚至、便入覲也、濙至南京、書監國、誠敬、勤、勤、七事以聞、內一事、勅臣朝諱。

侍衛旌之。奏失禮。令旨不問。已而厚賞侍衛旌其直。勳臣為內愧。上聞之。疑解。

秋七月、日本首源道義遣使朝貢謝罪、擢禮科都給事中、陳諤為順天府尹。

冬十二月、勅脩武當山宮觀、賜名曰太嶽、太和之山。

永樂十七年己亥夏、鎮守遼東左都督劉江、大破倭寇於望海埚、封江又名為廣寧伯。世襲。自是海上烽息數十年。西番一僧至、稱流通諸家、不受柱。最中國無典、衛帝聞之不悅。得崇山僧杜德琮者、設對座。片語折之。僧報謝去。上喜、立授左善世。六月、有青蛇、道沙淨州、產石青處。于是採

青工役日煩

秋七月、御製佛曲成、與佛經並傳。九月、大報恩寺受經。是夜現諸幻形。學士呂震等復以經曲分頒陝西河南淮安等處。瑞應益多。群臣表賀。是時中外梵剎關建無數。內官尤薦信。幾於成風。

冬十二月、學士楊榮疏十事。率指斥府部法司諸弊。帝秘不發。恐諸司叢怨政府。密諭榮以此意令御史言之。御史鄧真遂以入奏。諸司懼。咸免冠廷謝。上諭即日悔改。朝綱愈肅。

永樂十八年庚子春正月、晉楊榮金幼孜文淵閣大學士。

兼原官二月山東蒲臺縣妖婦唐賽兒以妖術聚眾叛據  
益都指揮高鳳等一軍盡沒殘吉州莒州卽墨壽光諸縣  
上勅安遠侯柳升討之賊偽降突圍去都指揮劉忠死之  
特倫倭都指揮衛青便宜救安丘大捷鰲山衛指揮王真  
亦以兵至升不進且忌功詔下升吏尋釋之陞知縣張旗  
為山東左叅政縣丞馮撫為左叅議衛青陞都指揮使王  
真都<sup>指</sup>揮食事以守安丘功

夏四月廣寧伯劉江卒謚武忠五月文趾叅政侯保馮貴  
禦賊死之

秋七月殺衡州府同知方素易素易有善政却民告年老

止一子。為虎所噬。素易齋宿。隰山神去虎。明日虎死。道側至是。民有匿所。沒谷王。貲財半。素易不發。并死。八月。山東諸城縣進龍馬。時擢教授。蘭從善。林長楸。教諭徐永達。並為翰林編脩。侍皇太孫講讀。北京諸宮殿。或改應天府。為南京。北京免稱。竹在。

冬十月。皇太子奉命赴北京。過滁。諭群臣曰。歐陽之賢。非止於文。當考其所以事君者。免之。十一月。過鳳陽。謁祭皇陵。畢。呼耆老。問太祖龍興時事。勞賜頗厚。過鄒。民茹草實。為惻然。下馬入其舍。見老幼負百結。此突毀仆。歎曰。民隱不。上聞如此。年。顧中官與之鈔。遂編集耆老問疾告。輟所

食賜之。會山東布政使后執中伏謁，責之曰：「誰民牧而至是？執中曰：『已具文請減秋糧。』皇太子曰：『民命旦夕矣。近者限三日，遠者五日，必賑勿後。』人五斗，毋懼擅發。予見上言之。周王構護衛俺三等，上變告。呂王示以所告。王辭窮，姑赦不問。十二月，詔明年辛丑遷都，使天下咸知。封督建大工右都督薛祿為陽武侯，擢工部郎中蔡信為本部右侍郎。」

永樂十九年辛丑春正月甲子朔，帝御北京奉天殿受朝賀。禮部尚書呂震微語皇太子初殿下所遣中使率妄言，宜勿近皇太子曰：「既至尊，不為動。即予安得無過矣。」

夏四月庚子、奉天謹身華蓋三、發災詔告天下、求直言。是月望前一日、為萬壽節、以災異免賀。翰林侍讀陳時勉陳十五事、停止工作。罷四彝朝貢、汰冗官。賑飢荒、清獄黜貪墨。斥遠僧道、優恤軍士。及選舉孝愛等事。帝允行者十四。時以唐養兒未獲、盡逮北京、山東、諸尼及天下未披剃出家婦女、先後合萬人。山東左叅政段民、曲為緩解、人情即安。

秋九月、殺主事蕭儀。時言官應詔直陳多、以建都北京非便、儀言更峻、置極典。於是言官並劾部院大臣失匡救。帝令言官與大臣、午門跪質、語紛激。尚書夏原吉獨從容引



罪。臣不能協贊大議。言官無罪。帝色霽。或尤原吉。叛初。議曰。寧失實。使上憐之。所全多。衆始嘆服。西僧大寶法王來朝。或請帝親勞之。原吉曰。西域慕義來。宜示以禮。至尊一失體。下必有走死。不顧者矣。帝佛曰。若豈欲效昌黎所為乎。然竟不出勞。及法王入見。帝又令原吉拜之。原吉長揖而已。帝又不能強。遣中官山壽。赦黎利為清化知府。尋復反。指揮陳志敗死。

冬十月。阿魯台叛。數盜邊。十一月。下戶部尚書夏原吉刑部尚書吳中徵兵部尚書方賓自殺。時上下議親征阿魯台。賓言糧儲乏。興師未易。遂召問原吉。邊儲若何。原吉

言連年師出無功。戎馬資儲十喪八九。災青間作。內外俱疲。况聖躬少安。尚須調護。勿煩六師。上不憚。必使原吉即視開平倉。而兵中入對。與賓同。上益怒。召原吉還。籍其家。與中等皆繫內官監獄。賓懼自殺。時禮部尚書呂震。教乘間諛原吉中。儉邪誣罔。上入其說。欲戮賓死。并殺原吉等。學士楊榮力言。三臣無他。上怒稍解。以李慶為兵部尚書。永樂二十年壬寅春三月。河魯台寇興和。殺守將都指揮王煥。帝決意親征。夏五月。發隰寧。次西涼亭。亭係故元往來巡遊之地。帝望見頽垣廢址。愴然曰。元氏創此。將貽子孫不拔。乃至此乎。

書曰常厥德。保厥位。能無浚警。因下令軍士。勿斬伐樹木。六月。次開平。振鹵攻萬全。諸將請分兵應之。上曰。此詐也。鹵恐。竟走。其巢分兵。誤我。不足慮。

秋七月。縱兵濶濼海之側。阿魯台懼。棄去。焚其鎰重。收其驢馬。班師。頗以捷伐。未張。歸塗。便移問阿魯台之為叛者。分五道疾攻兀良哈。至屈列兒河。擊斬數百級。連奔及其屯處。殲首訊數十人。驅人畜數十萬還。九月。車駕至京師。工部尚書宋禮卒。

冬。閏十二月。阿魯台殺其主本雅失里。自稱可汗。

永樂二十一年癸卯春二月。蜀王椿薨。謚曰獻王。循分守。

法。好讀書。禮接士大夫。於諸王中為最賢。朝廷禮之特厚。  
夏五月。趙王高燧謀叛。上親鞠右順門。逆黨孟賢等盡伏  
誅。皇太子為趙王營解。置不問。陞告變總旗王瑜遼東衛  
千戶。尋擢錦衣指揮同知。  
秋七月。帝復北征。次宣府。傳聞阿魯台且犯邊。上趣師。吾  
急乘塞待之。可以掩其不備。八月。禮部左侍郎胡濙進太  
嶽瑞光圖。謂聖壽之徵。禮部尚書呂震率群臣表賀。不受。  
九月。駕次沙城。鹵中阿失帖木兒古納台等率妻子來降。  
言阿魯台為瓦剌脫歡所敗。輜畜盡散。部落潰無所屬。今  
聞天兵至。益遠遁。無復南意。授阿失等正千戶。

冬十月、駕次上莊堡。韃靼王子也先土干率衆來降。上喜。封為忠勇王。賜姓名金忠。十一月、駕還京師。

永樂二十二年春三月、大閱。

夏四月、帝復北征。五月、濬縣蝗蝻生。知縣黃士廉率僚屬耆老齋禱八蜡祠。有鳥數萬、碎食蝗。殆盡。上次長樂鎮。御史王復馳疏。灑水攻和賊。周叔光等且為亂。請用兵。楊榮金幼孜曰。此愚氓迫飢寒求活。旦夕兵之速。其亂也。宜寬而撫之。上曰。卿言是。駕至清水源。阿魯台速遁。上諭侍臣。朕夜夢神人告朕。上帝好生。如是者。再豈留意。茲鹵莽。榮幼孜成上意。請遣中官史三壽往諭。赦其不臣之罪。令歸。

款。六月，次答蘭納木兒河。祁望皆荒塵野草，隻鹵不見。先鋒陳懋、金忠直抵白印山，咸無所遇。以糧餉不繼，乃命班師。

秋七月，還次翠微岡。諭侍臣：朕歸付東官軍國事，得優游暮年，可乎？榮幼孜曰：誠如聖諭。是月己丑，次蒼崖戍。上不豫。次日，至榆木川。上大漸，遺命傳位皇太子。十有八日，辛卯，上崩。年六十有五。司禮太監馬雲益驥與學士楊榮、金幼孜等密議，秘不發喪。銷錫為神，權殮而銅之。日進膳如常儀。益嚴軍中號令。八月，榮馳計至京師。皇太子令太孫迎梓宮於開平。太孫倉猝請印識，苦不及。楊士奇曰：以東

官故圖書權付之。皇太子顧太孫。不久當屬汝。太孫既行。復語士奇。昔大行臨御。儲位久未定。滋浮議。予於太孫無是矣。皇太孫至鵬鵝堡。奉大行殮梓宮。軍中始發喪。是月之十日。至京師。皇太子親詣獄。釋前戶部尚書夏原吉。刑部尚書吳中。為泣下。令即日以原官視事。原吉首言。東南民力困於漕運。請幸南京。以省供億。中請撫流民。罷西洋取寶船。及雲南交趾採辦金銀數事。出前右春坊大學士黃淮。及洗馬楊溥。正字金問等。於獄。三人繫錦衣十年矣。於是月之望。丁丑。皇太子即皇帝位。

論曰。周元公負宸二字。借用之。遂真以春秋典魯哉頌。

明以再造而長不拔。伊誰力也。設使燕不高飛。臣節克  
終。迺欲以周官大厥人望。不俟燕即燕之。漢趙能難之  
矣。是故北平之功不可沒也。或云太祖果畧秦晉而竟  
及之。可以無士午諸故。然則教高。以叛哉。不教且叛  
况乎其教之。或曰成祖其身教之也。帝文武全才。寬嚴  
並濟。若夫睿莫宏模。長駕遠馭。徙都北平。雄視九有。五  
巡漠北。三犁王庭。尤貽燕之大者矣。力辭瑞獻。而仍薦  
信法王。明於用人。而或堅信內豎。作法簡儉。而尚遠搜  
玩好。容受直諫。而或溺情詭譎。義責祖訓。而或身先乖  
貳。幸而天姿清明。旋止於義。而邊拜所及。更擴初造。捐



三衛為筐篚。卒以交南補之。較文景之行。克守故物。猶非所屑。願欲以世廟彷彿之天淵哉。

*[Faint bleed-through text from the reverse side of the page, including characters like '三衛', '交南', '天淵', and '克守']*

罪惟錄帝紀卷之四

仁宗昭皇帝

仁宗敬天明道純誠至德弘文欽武章聖達孝昭皇帝名高熾母仁孝徐皇后既即位大赦天下以明年為弘熙元年置公孤官三大正一品三少從一品陞楊榮太常卿金幼孜戶部侍郎仍文淵閣楊士奇禮部左侍郎兼華蓋殿黃淮通政使兼武英殿學士掌內制不預所陞職務以楊溥為翰林學士罷取寶西洋減內供香炭半四十萬斤太常少卿周訥坐諛倭出知府交趾寧王權請朝言江西故非其封國賜書曰倭欲見叔亦切憐憐但祖訓儼在勿

敢違也。叔受封先帝垂二十年。為國南屏。良善安遠。王貴燮  
 已東。貴燮坐誣父不執。削為庶人。赦解縉妻子還鄉。官其  
 子禎亮中書舍人。九月。上大行皇考及皇妣尊謚禮部。呂  
 震以二十七日服滿。請如太祖太宗遺訓。釋衰從吉。烏紗  
 冠素  
 服。黑角帝報可。明且仍素冠麻衣。麻經出視朝。文臣惟學  
 士士奇。准武臣惟英國輔。如帝所服。上因嘆曰。張輔知禮  
 六。卿有所未及。梓宮在殯。朕豈敢便從震言。加蹇義少傅。  
 楊士奇少保。兼官如故。加楊榮太子少傅。謹身殿大學士。  
 金幼孜太子少保。武英殿大學士。內閣位進三孤。始此士  
 奇等數月間。五品遷至一品。隆遇古無比。賜義幼孜榮士

奇圖書。其文絕憇糾謬。諭之曰。凡朝政缺夫。群臣言之而朕未行。或卿等言之。朕未即聽。用此圖書以進。不憚再三。冬十月。冊妃張氏為皇后。郭氏為貴妃。李氏為賢妃。追封妃父麟彭城侯。冊立皇太孫瞻。基為皇太子。次子瞻垓等為王。鄭越襄荆淮勝梁樹以兵部尚書陳洽掌文趾。布按二司事。代工部尚書黃福還京。福居文趾十八年矣。詔舉德性淳篤。行止端方。材能出眾。政績顯著。或文學堪稱。識見優遠。諸儒輩忠臣也。宜從寬典。至是赦奸黨族屬。凡教坊司院。各遣將習。西功。臣家奴者。悉放。軍家。給還。生產。上視朝。覺寒。念各邊將

士。賜鈔幣有差。趙王高燾奏辭常山二護衛。從之。令直隸  
及各都司官軍更番京師操練。上閱諸學士詔辭。為益二  
語。勿以崇高而難入。勿以有所從違而或怠。曰。此朕實心  
御等勉之。十二月。葬大行皇帝於長陵。授試事六科監生  
吳信等二十人為給事中。封后兄張臬為彭城伯。世襲。作  
觀天臺於禁中。上欲進理忤旨。御史舒仲成、楊士奇曰。即  
何以信明詔於天下。上悅。勅獎士奇。赦仲成。給事中黃驥  
極陳西域賈胡入貢之害。嘉納之。  
弘熙元年己巳春正月壬申朔。上御奉天殿受朝。設樂不  
作。以大學士士奇言罷給朝覲官葶收之例。初允行。旨不

即下上。恐士奇為奏行者所射。迺陝西按察使陳智以太僕  
徵納。疏爭。憲綱上批智疏。嚴行勒止。士奇入謝。古人有云。  
陛下知臣。臣不狄矣。上曰。繼今。令有不便。與朕察言之。大  
祀天地諸神祇。以皇祖皇考配。命內官監太監鄭和領下  
番官軍守備南京。特追贈交趾屯軍劉傳太子少傅。謚節  
愍。上曰。婦人盡節。其夫尚從。旌格。况大臣捐軀。報國乎。改  
兵部右侍郎張信為錦衣衛都指揮同知。世襲。信。英國公  
輔從兄也。二月。加國子監祭酒兼侍講胡儼太子賓客。致  
仕。進恭順伯吳克忠為侯。封其弟管者廣義伯。帝念夏原  
吉釋撤之言。勅北京諸司復加行在二字。頗決計。欲都南京。

三月、擢前光祿寺署丞、權謹為文華殿大學士、儒士吳訥  
為監察御史、大理少卿、戈彥謙言事、懇激、上欲罪之、以彥謙  
止免朝、參且諭、士奇曰、朕能知悔、若律外深求、法司執奏、  
至三至五、如不即可、三公大臣合奏、必先而後、已永為定制、  
進河間王張王、寧國公王真、榮國公姚廣孝、東平王  
朱能、四人並配享文皇帝廟、庭諭刑部尚書金純、止宮刑、  
且曰、彼圖進身而絕祖嗣、豈有誠心事君、朕決意勿任、此  
輩禁內外告誹謗者、以柴昌伯、陳智為征彝將軍、征交趾  
叛人黎利、徙岷王梗於武岡、趙王高燧之國彰德、漢王高  
獎子瞻、斯有罪、發鳳陽守陵、先是圻憾父殺其母、屢發父

過惡。文皇曰：爾父子何忍也。至是高熈，悉上圻先後覘伺朝廷諸不敬帝。呂柝示之曰：穉子不足誅，其省過皇陵。夏四月，免租。山東及淮徐半稅。停罷一切官買物料。士奇曰：或令戶工部知之，上曰：稍俟之。有司慮國用不足，必有不決之議。內璽以行，以鄭府審理正俞建輔言人之。心鄉試有司先行審訪，務得行止端重。議論切實。年過二十五者，方許入試。廷臣或上書誦太平，上以示士奇等。且曰：朕去年授卿等四圖書，俾言事。士奇曾封五章進看，諸無一也。豈朝廷果無關政乎。義幼孜、榮有慚色。時南京屢奏地震，命皇太子往謁祭諸陵。因留南京監國。帝明於星象，甲寅夜，帝



觀星象有感。語大學士士奇等曰：天命之失，歎息而赴。明  
日，召義與士奇諭曰：朕監國二十年，為晚隱所構，心之艱  
危，吾三人共之。賴皇考仁明，得荷保全。言之法然。義士奇  
亦隕涕。帝曰：即吾厭世，後誰能知吾三人同心。遂出二勅  
及二印。義得忠貞印，士奇得貞一印。且曰：惟后非賢，不  
惟賢非后，不食君臣相遇難矣。五月上諭，蹇義、御史係朝  
廷耳目，非新進小人，不達國体者，可任。彼乘可為之權，遇  
事風生，以喜怒為禍福，以好惡為是非。寵枉拒直，徇或有  
之。且都御史廉清公正，道之表章。爾吏部其亟慎選擇，以清  
風紀。改翰林侍講李時勉、羅汝敬、監察御史時勉，以時政

違節條陳率直。上佛命武士撲之。斷其脅三。曳出不能言。下獄。汝敬在口訛囚一之。一章。至三上。亦收錦衣。時勉創自愈。自是無廷諍之臣。五月十有一日。上不豫。

召養義。楊士奇、黃淮、楊榮、王恩善門。命士奇書勅。馳召皇

太子南京。次日庚辰。大漸。遺詔傳位皇太子明日。帝崩年四十有

八。帝處讒譖。益情謙順。被服寬博。宛若儒生。留意疾苦。凡

遇水旱。齋居露寢。賑貸不違。邊將陞辭。每曰。民力竭矣。慎

毋貪功。違命獲功者不賞。勅諸司崇寬厚。戒深刻。又曰。國

家恤民。必自去。駐吏始樂聞直言。間有佛逆。無幾悔悟。帝諸

經皆通。卜筮不用。俗占必取正周易。於程朱之說。信之。尤篤



罪惟錄帝紀卷之五

宣宗章皇帝

宣宗憲天崇道英明神聖欽文昭武寬仁純孝章皇帝名

翬琪母孝誠昭皇后獻廟既崩宮中祕不發喪又以皇太

子在南京命鄭王瞻竣襄王瞻塔監國備他變六月皇太

子至自南京始發喪十有三日皇太子即皇帝位大赦天

下以明年為宣德元年

秋七月上大行皇帝尊謚尊母皇后張氏為皇太后冊妃

胡氏為皇后張氏為貴妃罷弘文閣命直閣楊溥回翰林

學士原任仍命溥與士奇同理內閣事進東宮舊官左庶



子陳山為戶部左侍郎。洗馬陳瑛為禮部右侍郎。戴綸為  
 兵部右侍郎。中允徐允達為鴻臚寺卿。贊善簡從善王讓  
 為翰林院侍讀。惟中允林長懋出為蔚州知州。綸尋出鎮  
 交趾。長懋與綸常於皇太孫時交口諫。無出備。帝以是御  
 之。未幾二人皆以怨望坐逮。上親鞫。綸立筮死。長懋長繫  
 且十年。正統中始釋。八月。勅修太宗仁宗兩朝實錄。九月。葬大  
 行皇帝於憲陵。

冬十月。命陝西都指揮李英勦捕曲先安定等處叛番。擄  
 安定王。仍令英乘勝討平西番。詔兒加族之亂。加左都督  
 進會昌侯。十二月。瓦剌馬哈木主脫脫不花為可汗。



宣德元年丙午春正月漢王高煦遣人獻元宵燈以觀朝  
廷上報謝二月禮部進耕籍儀注上曰親耕亦故事人生  
試輕徭貴粟禁止遊食愛惜蒼生明德馨於上帝則不待  
親耕民自勸率三月征彘將軍陳智等敗績茶籠  
夏四月太子太保禮部尚書呂震卒以胡濙代之奪陳智  
將軍印給成山侯王通率步騎十萬人總兵交趾以尚書  
陳洽參贊軍務削智及方政官立功自贖上一日罷朝語  
群臣朕且棄交趾蹇義夏原吉不可上顧士奇榮二卿云  
何對曰陛下此心固天與祖宗之心也即漢元帝猶能罷  
珠崖不問况朝廷乃無宏度乎五月擢陳山戶部尚書謹

身殿大學士、改禮部右侍郎張瑛為左、兼華蓋殿大學士、  
並入內閣、預機務、禮部奏、總旗衛整到、賜愈母病、上曰、為孝  
有道、此滅性、高皇帝明禁在、其勿許。  
秋八月、漢王高煦反、上親征、討平之、高煦起異志、走塞英  
國公輔、須內應、輔發之、楊榮首請親征、帝有難色、夏原吉  
為決計、辛未、車駕發京師、次楊村、或曰、高煦且將濟南為  
窟、不則促搃南京、帝曰、濟南未易攻、彼護衛顧其家、安得  
釋樂安南下、高煦外誇詐、內寔怯、臨事狐疑、輕朕、新立、倖  
萬一、聞朕親至、膽落矣、高煦初聞楊武彥薛祿將兵、揀臂  
喜曰、此易與耳、及聞親征、果懼、上下書樂安曰、張教失國

本之貫高。淮南受誅。始於伍被。王其疾出所為倡亂者。朕當與王除過。高曉不答。以兵壁其四門。諸將請疾攻。不許。復騰勅諭之。高曉夜焚其兵器。及交通諸謀逆書。詭入宮。不令偽都督王斌知。間道走軍。伏地稱萬死。遂收坐同謀。脇從者不問。廢高曉為庶人。繫大內逍遙城。一日。上往觀之。粹伸足仆上。遂覆甕。鎔死。上既擒高曉。尚書陳山等請移師彰德。問趙罪。榮義原吉皆是。山言。命士奇草詔。士奇持筆不下。力言宜安趙。以安皇祖在天之靈。而楊溥亦贊士奇議。上初不懌。卒不舉兵。遣駙馬都尉廣平侯袁容。左都御史劉寬。手勅諭趙。示以諸告。密書。王盡獻護衛。謝罪。



上語士奇曰、使朕不失為親、卿之力也。成山侯通討黎利不利、尚書陳洽指揮何忠死之。許少保大學士黃淮歸田養疾、疾愈供職。

冬十月、加擅凱五品俸、仍思州府通判、凱善撫循、九載當陞、思人萬里乞留、許復職、釋翰林侍讀李時勉、復其官。

宣德二年丁未春二月、賜輔臣蹇義五人等圖書、三月、大學士榮以驍虞復見、獻頌、復命安遠侯為征南副將軍、黔國公沐晟為征南副將軍、率步騎七萬、兵却尚書李慶贊軍務、討黎利未至而成山侯通已大破利、斬其偽司空司徒等卒萬人、利退去、復陷諒江、中官馮一智指揮劉順

知府劉子輔死。利請和。通以聞。而升繼至。輕敵。破大小  
關隘數十。遇伏。倒馬坡。戰死。都督崔聚。史安。陳鏞。俱被執。  
死之。七萬人。無還者。尚書李慶病卒。初。陳洽累請。後任黃  
福。以慰交人之思。詔從之。至是。福為交人所德。羅拜泣曰。  
公不北歸。我曹不至此。爭上飲食及白金。肩輿送出境。福  
諭以順逆之理。切賊終不忍加害。至龍州。福以所餽歸之。  
官。郁皆僉事。山雲佩征。彛將軍印。鎮廣西。

夏四月。廢晉王濟。嬉為庶人。安寘鳳陽。六月。述北和寧王  
阿魯台。瓦剌順寧王脫歡。亦力把力。至思朝貢。

秋七月。建鎮遠。侯顧興祖下獄。成山侯通懼。陷利。教利偽

稱安南故王孫嵩為名而為之請立嵩。上問英國公輔。輔曰。此詐也。臣出請以一年擒利。而上心厭兵。以士奇榮議。竟與利平。立嵩。利還所掠都督等一萬三千三百九十人。通引師歸省死革職。

冬十一月。皇子生。母孫貴妃。大赦。十二月。皇后胡氏上表讓位。賜號靜慈仙師。退居別宮。遂冊孫貴妃為皇后。既而張太后憐故后胡氏。命仍居清寧宮。進膳如常儀。每燕會必居孫氏之右。以黃福為戶部尚書。改南京薛瑄為監察御史。瑄奉程朱之學。以道自任。內閣士奇等折柬邀見。瑄曰。某職糾彈。不敢遽望顏色。朝廷肅然。上聽講文華殿。至孟

子辟紂章曰。太公之心在當時。伯夷之心在萬世。無非為天下生民計。出典處一也。

宣德三年戊申春正月。冊皇子祁鎮為皇太子。后父孫忠為會昌伯。三月。小西氏畿流徙至南陽。萬有餘。有司軍衛各遣人捕逐。上聞之。曰。民飢流移。正宜撫恤。急發賑濟。隨所至居住。有捕治者罪之。

夏五月。贈祭文趾死節諸臣。時高官御史頗斟酒。相繼敗。帝為作酒諭示百官。汝南王有勲。新安王有燾。以罪先為廢人。六月。閣臣士奇退朝。閉門謝客。茶頰通請謁。帝召讓。茶曰。若皆如士奇。兵民休戚。孰得而知。帝悅。

秋七月、寧王權貢扇、奏求織笛。上曰：古人謂笛者滌也。以滌邪穢。寧王之意。其在此乎。命工製與之。八月、皇第二子祈鈺生。工部尚書吳中坐入官物營私第、下獄。帝親閱邊。九月、至喜峯口。忽報元良哈以萬騎內擾。諸將請益徵兵。帝曰：無庸。寧知吾在。喙走耳。比出路隘且險。吾縱鉄騎三千出。不意搗之。至寬河、鹵倅逆戰。帝分鉄騎為兩翼。夾攻之。親射其前鋒。墮三人。鹵貴走。帝以數百騎逐北。鹵望見黃龍轟。始知帝親征。悉下馬羅拜。請降。斬其前渠。以衆歸。大饗士。親作詩歌勞之。以忠勇王金忠功多。加太保。冬十月、擢通政使顧佐為右都御史。佐公廉有威。黜御史。

不肖者二十餘人。其最甚發遼東充吏。右都御史劉觀貪墨收獄罪當死。宥之子福成。遼東擢福建按察使。邵犯為南京右副都御史。時諸司玩弛。贓穢成風。犯復奏。然不肖御史三十餘人。紀綱大振。與顧佐齊名。十一月。城獨石。衛棄開平。蹙國蓋三百里。而興和亦廢。

宣德四年己酉春二月。或訴都御史佐嘗受隸金。縱歸。上付佐自治。佐竟不治。訴者上聞之。喜曰。佐得大體矣。已復有囚告佐。枉入。上曰。此必有重囚。教之。者果千戶臧清。代為誣佐。立付清市。

夏四月。代州署訓導舉人曹鵬。自陳年少不堪人師。願就

他職改泰州典史。寧王權上書。忿戾。稱上給諸王祿米分  
品級。違祖訓。上以恪遵成憲正諭之。五月初。設鈔閱。

冬十月。調大學士張瑛。南京禮部尚書陳山。專教內監。俱  
罷。內閣之任。從楊士奇之言也。閱武近郊。

宣德五年庚戌春正月。少保戶部尚書夏原吉卒。贈太師。  
謚忠靖。三月。清明節。帝侍皇太后。謁長陵。歎陵。歸。奎詢田  
間稼穡之事。人各賜鈔六十錠。一路如之。親為記。農夫問  
答語。以比周公無逸之意。改江南民運為兌運。頒寬恤之  
令。

夏四月。朝鮮國王李駒遣使獻青鷹。答賜玉磁器。曰。朕所

故不在此。後勿獻。

秋七月，議屯田近河一帶，不果。以陽武侯薛祿巡邊，斬鹵  
捷，加封太保，尋卒。追封給諡。八月己巳朔，日當食，陰而不  
見。尚書胡濙等請賀，不許。勅群臣引過，且曰：陰雨所蔽，幾  
何。京師不見，必有見之者矣。以監察御史于謙為兵部右  
侍郎，巡撫河南、山西。設巡撫始。此擢兵部郎中柴車為  
兵部右侍郎，車常過廣信，廣信守與車有舊，餽蜜一罌，發  
視之，皆白金，車笑曰：故人知君，君不知故人，竟不受。以禮  
部郎中況鍾出知蘇州。鍾始為吏，事禮部尚書呂震，薦  
其才。在治，發奸摘伏如神。豪健屏跡。九月，安南黎利篡陳。



嵩自去入貢請命帝以利為安南國王是後朝貢不絕  
冬十月車駕巡邊諭成國公朱勇扈從官軍不得擾民間  
一悉犯者死。霹靂冢站度鷄鳴山召諭諸學士等。昔唐太  
宗勇征遼出此喪失故不少。可為殷鑒。又問相傳此山之  
崩。北元亡果然乎。金幼孜對曰。山不崩。元自亡。帝曰。誠哉。  
國之存亡。係君之德不德而已。時久不雪。車駕還京師。大  
雪盈尺。因作詩志喜。群臣屬和。十二月。舍譽星見。群臣表  
賀。封昭皇后弟張昇為惠安伯。浙江巡撫侍郎成均葉擇  
海堤。

宣德六年辛亥春正月詔北直隸地方新墾荒田永不起

科建。巡按江西御史陳祚下獄籍其家。祚初以庶吉士言事。謫武當山佃戶。且十年。至是以御史馳疏。進大學衍義。脩經筵。忤旨。連其家人。咸見收。帝論井田。毅曰。誠能省徭役。薄征斂。重本抑末。何拘拘古法為哉。

秋七月。上以蹇義言。頗微行。瀟下二十刻。以四騎幸士奇宅。稱范太監私至門。士奇驚伏。勸上毋褻至尊。防不測。次日不入謝。帝讓之曰。臣心揣栗未已。豈敢言謝。後旬餘。有二內侍嘗殺人。捕急。謀挾弓矢伺劫上。玉泉寺捕盜較尉變。服入群盜中。得其謀以聞。上既誅罪人。賜士奇文綺。比入謝。上曰。愛朕莫若卿。自是不復微行。八月。忠勇王金忠

卒。宛平縣民以果園地施崇國寺。戶部請蠲其稅。上曰：民地衣食之資。棄所資而求免稅。不可。勒還民。

冬十二月。大學士金幼孜卒。贈少保。謚文靖。

宣德七年壬子春正月。以元朔日。食免朝賀。下詔求賢。出御製擬倚蘭操及四言招隱詩。賜諸大臣。二月。頒寬卹之政。以減官田租額為首。

夏六月。詔脩各郡縣廣濟倉。備賑。

秋七月。上閱元趙孟頫所繪豳風圖。語廷臣曰：此有周王業之所由興。萬世人君皆當鑒此。蘇州知府况鍾疏請申訪御史出巡。勸懲得體。上從之。八月。上於宮中得尚書黃

福初贊清運時所言便民數事。喜其志慮深遠。思有以逸  
之。改南京戶部尚書。

冬十月八日。大甸。土官之雅八貢。白葛達國及大方默  
德。如諸國遣使朝貢。

宣德八年癸丑春正月上元夕。張燈內苑。上侍皇太后往  
觀。典皇后皇太子稱觴上壽。次日。許文武諸臣及四彝朝  
貢之使。咸得遊覽。諸臣獻詩歌稱賀。二月。典史曹孫係舉  
人。教職所改者。乞典會試。許之。及對策稱旨。遂冠及第。授  
翰林脩撰。致仕。少保大學士黃淮以謝恩。至。帝作詩送之。  
秋八月戊午。景星見於天門。少詹學士王直獻頌。南海諸

番國各遣使獻麒麟凡四、士奇復獻頌詔各布按二司府  
州縣連名保舉賢良方正一人、天下生員年四十五以上  
者、考選貢國子監、自臨御以來、三科進士詔詣文華殿親  
試之、拔其尤、鄭建等二十八人、與脩撰馬愉等編脩林文  
等、同肄業文淵閣、又考在外廢官之有文學優等七人、歷  
事六科以備用、巡撫南直隸周忱奏定濟農倉之法、  
冬十月、平江伯陳瑄卒、謚恭襄、十一月、脩理南京宮殿、十  
二月、太子太師戶部尚書鄭資卒、贈湯陰伯、謚忠襄、官其  
子佑戶部主事、資受眷三朝、貧不能葬、

宣德九年甲寅春正月、行戶部員外羅通奏運糧開平計

人馬資費率以二石七斗致壹石。今有願運米開平納鹽糧者請將舊例二斗五升減作一斗五升。總計一人約五百石。可省什糧二百石。從之。三月交趾國王黎利死。二子闇弒。奸臣黎問黎黎構黨為難。諒山土官阮世寧。七源州土官阮公庭率家屬却卒來歸。願就龍州及太平石居住。詔廣西總兵山雲善安插之。

秋九月車駕巡邊。至洗馬林而還。霍州學士曹端卒於官。端學以躬行為主。本於專靜。居喪有禮。多著述。在霍庠十餘年。改蒲。霍諸生上章留之。遂卒。霍郡人為罷市。即童子婦人亦悲泣。物論稱有明理學之冠云。鑄宣德通寶鈔。

冬十二月、瓦剌順寧王脫歡遣使昂克朝貢、言已殺阿魯  
台、得其玉璽、欲獻。上勅之曰、阿魯台之殺、其見王克復此  
讐。觀前代傳世之久、歷年之多、皆不係玉璽、既得之、可自  
留。用有僧自陳乞緣治利、祝延聖壽。上亦之。頌侍臣梁式  
宋徽效驗可知矣。

宣德十年乙卯春正月、上不豫、越朔之三日、崩。壽三十有  
七。帝天資英暢、動略成法。間有直言忤旨、旋復覺悟。嘗謂  
侍臣曰、古王推心置腹、人樂為用。若知而不用、用而復疑。  
惡在其為一體也。時皇太子方九歲、浮議頗及。長君張太  
后已取策府金牌入內、學士士奇、榮典、英國公輔入臨、請

見皇太子。輒叩頭稱萬歲。浮議遽息。初十日，皇太子即皇帝位。

論曰：帝知兵能不窮遠。上詞章意不忘咨。徵文武為憲。古以嘉良臣而帝德兼之。誠有度越百王者矣。太祖不以僭崖化外。命良吏撫之。曰：今天下一家。何忍彼此。通此意。交和可久在版也。清化再矯。命實自培尅。不究其源而坐棄之。復罷開平。廢典和。祖宗辛苦肇造。視如散屣。豈古南服。後世不寧再開乎。誠以僭崖視諒。江等府。勞未輯寧。特為加意。使之氣靜。靜則難動。而徒以去京。殷選左遷者。必於此上。輕其地。則受此地者。必自輕。兼



以刑人。鍛鍊之。飲毒莫訖。夢未釋。戈盾扶之。復起。益痛。吾不意。扶小成業。出帝。即士奇。榮其何能。辨罪。

*(Faint bleed-through text from the reverse side of the page, including characters like 吾, 不, 意, 扶, 小, 成, 業, 出, 帝, 即, 士, 奇, 榮, 其, 何, 能, 辨, 罪)*